



ZIKTU Thumapui

Thagau lama patchuamna I nei dinguh kinemin, tuchung September 2022 beigual “Gingtu Ginumna” ti thupi manga zik theia ka umna chungin, Pathian kiangin kipakthu ka gen masap-en ahi. Chun, I KSP Standing Committee in “Gingtu Ginumna” thupi mangcha a beigual thupi zik dinga ei guat na ziak ua, zia lekhabu hi hung um thei ahina chungin, ei guat tu Committee te chungin kiphakthu ka hung gen kit ahi. Ziaban a chun, pauchapna ei kithuapi te, Kochuamte, insungmite, gual le pai te zosia chungin le, kipakthu ka hung gen ahi.

Zia lekhabu zikna dinga hin, Holy Bible (BSI) hi aki mang tangpi ahi. Chun lekhabu dawigualin akumulou ahi, tihi ka hung taklang masa ahi. Ziakachun, lungtung zou lou tamtak I um takin le, la hetthiamnau ka hung dawn masa ahi. Internet apat a te, ziktu chuam chuam apat ate akila khom ahi. Ahin, theitawp sua a hung kizik ahia, simtute leh ngaithatute zosia’n, I patchuampi ding uh kinem in a hung ki zik ahi.

Lalpa’n tuchung September 2022 beigual a pang zosia a dingin malsawm ta hen. Simtute zosia Pathianin malsawm ta hen. Amen.

Subject siamtu

Sd/-

Rev. Pauneithang


Bialtu Pastor Khuga District, KSP

GENLATNA

64th Annual Session hun in kum 2022 ah Beigual thupi dingin 'Gingtu Ginumna' ti hi lemsak ahi dungzui in a bu hung siamtu dingin Rev. Pauneithang guat ahin, tuhin Beigual thupi chu Kochuamte'n mat ziang thei dinga melmu ah aum tak ziakin ei puitu Pathian chu lopina chang ta hen.

Beigual thupi '**Gingtu Ginumna**' kochuamte'n kitup taka zilthian ahi theina dinga a bu hun siam dinga guat ah um Rev. Pauneithang inle mawpuakna piak ah umte ngaikhawk in tha leh zung, ngaituana seng ah pan hun la in, a bu mel muthei dinga a hung zawna chungin Presbytery min in a chung in kipakthu ka gen ahi.

Gingtu Ginumna, i zilkhawm ding uhi, tuchung ah ding pawimaw mama leh eima mimal chiat ki-et thak kitna hiding in simtute leh mangtute Lalpa'n malzawl ta hen.


Rev. D. ROBERT THANGA
Executive Secretary
Khuga Sadar Presbytery

Dated/Tuibuang
the 09th August 2022

pua, thumvei set akihetlousak a, aphantsan ahi. Ahin, Jesu'n a tungding kit a, Martyr in Jesu a dingin a thi ahi, Peter in a zou hoi ma ma ahi. Ziate zosia chu etton ding, second hand gual a, a phat na chacha I etton ding uh ahi. Paulin le Khrista ka etton gualin kei ei etton un ati ahi. I Lalpa Jesu Khrista ahileh vang, a pan hoi a, a sunzom hoi a, a zou hoi ahi. Demna bei in, phabukim in a zou ahi. I Lalpa Jesu hi bangkima I etton ding ua, Pathianin a hun sawl ahi. First hand, direct taka etton ding, midanga apat laksawn hilo ahi. Ama bep ahi gingtute a dinga, I hinsan uh leh, I damsan tak uh chu ahi. Gingtu ginum, Jesu Khrista leh a Kochuam adingin theitawp sua in pang zel hitiu.

Thutawpna.

“Chutichun, hiatpitu sumpi nasatak ah um kimvel I hui ti kihia'n, ei sunokphak leh I chung ua bek gitlonate paithai tiu in, I mau ah kitaisiakna lampi ah hin thuk-hat tak in tai hitiu. I ginnau siampa leh subukimpa

Jesu lam chu en zing hitiu; ama chun a malam ah kipakna chu thil in, mualphona chu ngainep in Kross chu a thuk ah, Pathian lalchutpha changlam ah khin a hang kichu tai.” (Heb. 12:1-4)

Suapite, I Lalpau Jesu'n mualphona te ngainep in, malam a kipakna a thil gual in, en le thuk hattak a, I Lalpa Jesu a dinga “gingtu ginum” hiding in, a tawp chanin pang hitiu. Tichun, vangam I tunphat le ama'n, “Suak pha leh ginum, tawmcha chung ah la ginum ziakin, tamtak chung ah vaihawm dingin hun koi ing ka; la pu kipakna chun lut ta'n,” hung ti ding ahi. Pathianin I hinkhua thil thupitak leh lopitak I sep daw te sangin, la ginumna, ka ginumna hi en masapen ding ahi. Zia ginumna panglou a chun, a dang te chu bangmalou mai ahiding ahi. Gingtu ginum la hi na em? Gingtu ginumlo la hi em? Nang le nang ki en chian in. Gingtu ginumlo lahi chun, lunghei in sim in la, kisiamthak nom in. Lalpa'n hun malsawm ta hen.

---o0o---

ZILLAI GUANGGALNA (Lesson Plan) leh HAWL BAILAMNA

Zillai	Thupi	Pek No.
01	Pathian ginumna leh gingtu ginumna.	05
02	Pathian a dinga gingtu ginum chu bang ahi em?	07
03	Midangte chung a bang guala ginum ding ihu em?	09
04	Gingtu ginum chu pauchapna le a ginum ding ahi.	11
05	Gingtu ginum hitheina dinga thil poimaw te.	13
06	Khrista a ginna zung thuktak kho na dinga pan lak ding dan.	16
07	Ginna dingdet zing nadinga poimaw te.	19
08	Gingtu ginum hetchian theina pathum te.	22
09	Gingtu ginum sukhat thei ding dan.	25
10	Gingtu nupa'n kal a ginumna sukhat thei ding dan.	28
11	Gingtu ginum banglam kong ale ginum ding ahi.	30
12	Noah hinkhua gingtu ginumna.	34
13	Abraham hinkhua gingtu ginumna-I	36
14	Abraham hinkhua gingtu ginumna-II	39
15	Abraham hinkhua gingtu ginumna-III	42
16	Abraham hinkhua gingtu ginumna-IV	45
17	Joseph hinkhua gingtu ginumna-I	48
18	Joseph hinkhua gingtu ginumna-II	51
19	Mosi hinkhua gingtu ginumna-I	54

20	Mosi hinkhua gingtu ginumna-II	57
21	Mosi hinkhua gingtu ginumna-III	60
22	Mosi hinkhua gingtu ginumna-IV	63
23	Joshua hinkhua gingtu ginumna.	66
24	Ruth hinkhua gingtu ginumna.	68
25	Samson hinkhua gingtu ginumna.	71
26	Job hinkhua gingtu ginumna.	75
27	David hinkhua gingtu ginumna.	78
28	Peter hinkhua gingtu ginumna.	81
29	Paul hinkhua gingtu ginumna.	85
30	Jesu Khrista, I ginnau siampa leh subukimpa.	88

leh hetthei in a um ahi. A tawp chan a kum 33 khawvel a alen lai in, Pa Pathian thupiak gual leh dawigual in, demna bei in a um ahi. Zia gual, lungput chu gingtute'n I pu ding uh ahi. I Lalpa Jesu Khrista thuzop gual a, en le ama thupiakte dembei a, zom thei dingin pan la hitiu. Tulai gingtute hi, a thupiak chu hia, ahivanga zom loute akitam mama hi in aki hei. I zoplou chun, I thu i het te'n, thiamlou ei chan ding ahi. I zop ahichun, ama Jesu Khrista I hepi'u ahi tichu akilang ahi. I Lalpa Jesu'n hiti hin thupiak ei pia ahi, **“Nang un lei hepiu leh ka thupiakte zawm inlau.”** (John 14:15)

Gingtu ginum suapite, a thu zil hitiu, sim hitiu, ngaitha hitiu, chun zawm le zawm hitiu. Khat le khat kihepi ding tupiak ei pia, mi va muda tei tei chu a diklou ahi. A thupiak te zop hile khawsa ul pot na ding talua le umlou ahi. Chun, I Lalpa thupiakte chu, ei a dinga I damna ding, I phat na ding vek hinalai ahi. Ama Jesu ngei in, Pa Pathian thupiak bukimtaka a zop

gualin, en le I Lalpa Jesu thupiakte I zom ding ahi. Zia chu, gingtu ginum te hinding dan chu ahipen ahi.

3. Jesu'n a pan hoia, a sunzom hoi a, a zou hoi ahi.

Suapite, Bible apatin gingtu ginum bangjat ahem hinkhua'u I en tau a, khenkhat bawl hoi beklou aum lai un, khenkhat bawl hoi mama a um ui. Ahin, I Lalpa Jesu Khrista hi I ettonpen ding, a bukimpin ahi. David in a pan hoi a, maleh a sunzom hoilou ahi; Uria a sepia ginum chu, a melmate chemjam in a that a, Uria zi Bethshebi toh a zontatna sel na dingin, David thil bawl hi Thagaumi khat adinga sual tawp khok ahi. Ahin, ahinkhua tawp lamin a bawlhoi ahi, a sualna te simna diktakin a sim a, Pathian kianga ngaidamna a chang kit ahi. Paul le a hinkhua bul in Jesu doudalin a pang a, ahin Damascus khua kianga Jesu a mu apatin, a sunzom hoi a, a zou hoi mama ahi. Peter inle, a pan hoi a; bangkim nusia in Jesu a zui ngal jiang ahi. Ahin a sunzom hoi

LESSON-30:

JESU KHRISTA, I GINNAU SIAMPA LEH SUBUKIMPA

Thupatna

“Gingtu ginumna” thupi I nei thei san tak uh hi le, I Lal-pau Jesu Khrista ziak le zal ahi, kati nuam ahi. Ama hi Alfa leh Omega, a bul leh a tawp, ama a bangkim, lei leh van siamtu ahi. I ginnau siampa leh subukimpa chu ahi. A kochuamte kingakna, luchang chu ahi. Ama hinkhua matdan a gingtu ginum i hitheina ding un en hitiu.

1. Thu-awina bukim in thu a awi in, thupiak a zawm ahi.

Pa Pathianin a hun sawlna santak chu, Kalveri Kross a khawvel sualna ziaka hung thiding leh, hukdam dinga a hun sawl ahi. Zia chu, bukim takin a hung zou ahi. Kross a ahung thi takzet ngei a, ziaka-chun nangle kei a ging taphawt chu hukdamin aki um ahi. Pathian toh kibang a um khiakla thei in a ngai pua, nang leh kei hukdama I um nading chu a gel pawimopen ahi. Pa Pathian in ei hepi a, a Chapa a hung sawl ahi. A Chapa Jesu Khrista'n ei hepi a, ama leh ama hung kip-ia, I sik in, I sualna zia kin Kross chungin a hung thi ta ahi. Kuale zia chu a ging taphawt chu

kumtuang hinna nei ngal ziang ahi. Jesu'n thu awi na bukim in thu a awi a, thupiak a zom bukim zia kin, khawvel a mihing chate zosia a ding in hukdam-na lampi a hung kihong ta ahi. I Lalpa thu awi na leh thupiak zop bukim gualin, gingtute'n le a nung I zui ding ahi.

2. Pa Pathian dawigual bawlinga hung ahi.

“*Keima dawigual hi'ding ah van ah kipat hung ka hipua'n, ei sawlpa dawigual hi'ding ah hung kum ka hizawi.*” (John 6:38)

I Lalpa Jesu kamsuak ngei ahia, zia hin, Pa Pathian dawigual leh lunglam, subuting dinga hun ahidan, muthei

THUPI: GINGTU GINUMNA

LESSON-1:

PATHIAN GINUMNA LEH GINGTU GINUMNA

Thupatna

Ginumna hi thil chuam chuam a gen thei ahi. Loi le pai kal a ginumna bang aum a, nungak leh tangval kal a ginumna bang aum kit a. Zia ban achun, Pathian leh mihing kal a ginumna le aum thei kit a, chun Pathian leh a thilsiam zosia ganhing te leh, ni le tha leh aksi te, lei leh van a siamsa te chung a ginumna le ahithe i ahi. Ahin apat na ding in, Pathian ginumna leh gingtu ginumna hi bang gual ahi em ti en hitiu.

1. Ginumna hi bang ahi em? Bible in Ginumna hi bang gual in a gen em?

Ginum tina chu, detta-ka kingakna tak hiding, tina ahi. Bible in ginumna hi Pathian ami hina ahi ati ahi. A vel avel a, chiantak hetthei chu, Pathianin thil banghemkhat bawl ding ati ahichun, a bawl mai sek ahi. Thil umding ati ahi chun, a hung um mai sek ahi. A hung tung ding ati ahi chun, a hung tung mai sek ahi. Zia hi a chiata sa, tu hun a leh, a hung tung dinga le a dik ahi. Pathian hi khatvei chou ginumlo ta bang leh, Pathian hilou ding tina ahi. Chuleh, a thutep a kingakna tak hilou ding tina ahi. Ahinla Pathian chu zia gual chu ahipua, “*A thutep dungjui*

ah ami Israelte kiang ah chawldamna pia ta, LALPA chu pak in um hen; a suak Mosi mangcha' thutiam pha ala gen zosia lak ah thumal pakhat chale a thawn puai.” (1Lengte 8:56)

Pathian chu kumtuanga kingakna thei, kilinglou, dettak ahi. Aziakchu, Ginumna hi Pathian a dinga, a hina khat ahi.

2. Bangti leh Mikhat chu Ginum hung hithe i ahi em?

Kua hilehle, mi Pathian toh kingaitawm taka kitzing a hinkhua mang chu, “Gingtu ginum” a hung hi thei ahi. Nehemia in Jerusalem a nutsia a, Persia lama a kile di kuan in, Hanani leh Hananiah chu mopaw ding in, a ngansia ahi.

Bangziak a amau tegel hi a guat bik ahem itile, midang te sanga a ginum zok ziak ua leh, Pathian a kichak zawk ziak uh ahi. Zia hin, Nehemia in mi kitak, taksang thei a mamohi. Mi kuale nekguk chinglou, mipi phatna dinga kipedawngam mi, ngansia ahinaw a kitak tak a um ding mi, a poimaw ahi. Hetding khat chu 'ginumna' toh Pathian kichakna hi, a chia khawm ding ahi. Pathian l hetchian deudeu ahileh, ama gual bang deudeu, aki nuam ding ahi. Ginumna hin mihing hinkhua bangkim a sukha ahi. Bible in Ginumna hi Pathian thilpiak (gift) ahi ati ahi. Jesu Khrista, Lal leh hukdampa dinga ikipomni, Thagau Thiangtho in a hung chenchil a, Thagau ga Ginumna hi ei pia ahi. Ziaziakchun, Piangthak ta la hi chun, ginumna la nei ta ahi. Ahinla Piangthak lahi nunga le, doitelna nanga aum ahi, lanop chun Pathian anga la ginumlou thei nalai a, la nop chun ginum taka hinkhua la mang thei ahi.

---o0o---

Thutawpna

Ginumna hi mizosia'n l doi a, ahin a tawpchan a ginum ding chun, a man piak a ngai ahi. Pathian in ama gual a ginum dingin, a chate ei doi ahi. Pathian ginumna l bible chang apat te leh, mihing bangti leh ginum hung hithei ding ahem, tite in l holim tau a. Gingtu ginum a tawpchan a hithei ding in Pathianin hun malsawm chiat tau hen.

Thagau lama piting tak ahung hitai. Paul in Apostle le akiti ta puan, hitihin a gen ahi, "**Khrista Jesu chu migilote hukdam dingin khawvel ah hung ahi, ti hi taksan um leh pom tak ahi. A lak ua gilo chungnungpen chu keima kahi.**" (1Timothy 1:15)

Timothy lekhatthot a ziakna hi, a missionary khualzin tawp dikuan lam le hitantin. Jesu amu chian deu deu leh, ama le akihechian deu deu ahi. Jesu lungsiatna zal a hukdam ahi akihechian deu deu ahi. Suapite, nangle Jesu la mu ni, la piangthak ni apat la dinmun ki enchain tia, la nunnem deu deu em? La ki ngaitawm deu deu em? Gingtu ginum chu Jesu a bang deu deu ding ahi.

Thutawpna.

Paul hinkhua apat gingtu ginumna l et nau in, Paul in Jesu a mu apat, a piangthak apat, lampi diklo a malama chia lai chu, nunglama chia kit mai ahi (U turn). Jesu a dinga thi tiangin a pang det ahi. Zia-ban a chun, Paulin Jesu min a thik kol but ahiziakin akipak

zaw ahi. Aman kol but maleh, Pathian thu a dinpi in 'kol' but lou ahidan a gen ahi. Chun, Paul thagau lama a piting deu deu leh, akingaitawm deu deu ahi ti, l mu uh ahi. Suapite, Paul hi thuthungthak ah sappau a ziagual min a piau ahi, "Hero of the New testament" ti min a putsak uh ahi. Thuthungthak hun ah a tangvalpa ti ahi. Paul hinkhua Jesu'n a siam danglam dan hi alopi na mai zen e. Ei hinkhua le Jesu'n ei siampha chiat ta hen, ama bel zing hitiu.

---o0o---

ahi.

“Mithi lak ah kipat thokit, David suan ah mi, Jesu Khrista chu hezing in, ama chu ka chanchinpha chu ahi. Zia ding ah chun gimnate ka thuak ah, thilikhial gual ah kol busak hial in ka um tai. Himaleh, Pathian thu chu kol busak in a um puai.” (2Timothy 2:8,9)

Paul hi Official taka chun thumvei suangkul a lut ahi. Suangkul a lut masak napen hun chu AD 49 vel ahi. Suak numei thithavop khat, thitha a nawdaw ziaka, a sum muna a hitheitaklo ziaqua, a neite'n vaihawmte kianga Paul a matsak uh ahi. Paul suangkul aniveina a lutna ahileh, a Missionary khualzin thumveina a zaw di kuan lama, Asia gamapat Juda hung te'n, mipi a chokphul ua, Paulin Pathian inthiangtho asubak hi tia a ngo uh ahi. Tichun, Paul chu matin a um ahi. Paul suangkul a thumveina dinga a lut na chu, a Missionary khualzin a tawpna, a thumveina a AD 67,68 tuamvel ahi. May 68 AD a suangkul a koi ahia, zia chun Martyr in tha in aum ahi. Paulin,

kol busakin um maleng, Pathian thu chu kol busak in aum puai ati ahi. Suapite, Paul in Jesu Khrista Kross a ngaisangpen a, zia chanchin chu suangkul a tangpi ahi. Ziaziakachun, kol but in aum a, martyr in a thi ahi. Gingtu ginum diktak chu ahi. Suapite, nang leh kei le, Lalpa Jesu'n ama a dinga hing ding leh ama a dinga thi dingin ei doi ahi. Ziachu, gingtu ginum hiding dan tak chu ahi.

3. Gingtu ginum Paul, Thagau lama a piting deu deu leh, aki ngaitawm deu deu ahi.

“Kei chu sawlchak lak ah neupen, Pathian kochuamte ka bawlsiat ziak ah apostle ti tak le ka hi puai.” (1 Korinth 15:9)

Paul in a piangthak nunga, Thagau lama a hung piting deu deu toh kiton in, aki ngaitawm deu deu ahi. Lalpa Jesu'n apostle dingin tel maleh, Apostle laka aneupen kahi ati ahi. A sem hatpen, a gim pen himaleh, akingaitawmna etsakna le ahi. Missionary khualzin in a chia zel a, kum 10 lam zaw in, Jesu toh akiton na le a sawt ta,

LESSON-2:

PATHIAN A DINGA GINUM CHU BANG AHI EM?

Thupatna

Ginumna le matna chuam chuam a um thei ahi. Diklouta-ka kipungkhawm a ginum thei ahi, ahin a tawpna chu a phalou ding ahi. Zia I thuzil nau ahin, Pathian a dinga ginum chu bang ahi em? Ti en ding ihu.

1. Pathian leh amite kal a ginumna.

Pathian ami te a dinga a ginum hi ti toh, ei Pathian a dinga I ginum hi tihiki bang lou ahi. Pathian ei a dinga a ginum ti hetna chu: Ama'n ei enkawla, ama'n ei pui a, ama'n ei hepi ahi. Kross chung a Lalpa Jesu Khrista a hung thi na khan, Pathian ei a dinga a ginumna anasep in muthei in a um ta ahi. Tichun, kumtuang a dinga 'Ginum' Pathian iti ngam ahi.

Pathian a dinga I ginum ahileh, ama'n ei ngaitua ding ahi ti I taksanga, ei enkawl ding ahi ti I ginga, Ama'n eipui na I zui a, chun enle I hepi ahi. I ginumna apat, Pathian I gina le a lang ding ahi. Gingtu ginumna in a “ga'(fruit) a sua ding ahi.

“Himaleh, Thagau ga chu, hepi-

na, kipakna, chamna, dawtheina, nunnemna, phatna, GINUMNA, thunuaigawlina leh kisumtheina ahi, ziate tawh kikal hi dan a um puai.” (Galatia 5:22-23)

2. Gingtu ginum ti hi bang gual ahi em?

Gingtu ginum ti hin phabukim ding tina hilo ahi. Haksatna, buaina tuaklounding tina hilo ahi. Thil sukhial, gelkhial leh decision le lakhial thei ahi. Ziana chung a chun, ama taksang zinga, haksa maleh, a thupiakte zawp zing guat ding tina ahi. Sumkol gimumlo tekhenhu a khan, **“Kuale tawmcha chung a ginum chu, tamtak chung ah le a ginum hi; kuale tawmcha chung ah ginumlo chu, tamtak chung inle a ginum ngai puai.”** (Luke 16:10)

Pathianin I bawlthei chan ahe ahi. Ama'n talent kibang chiat changlou ihi dan uh leh, dinmun kibang chiat changlou ihi dan uh ahe ahi. Khenkhat chu vangpha ahilam kihelo, khenkhat chu genthei mama ziang, kho-sakna kibanglo, dinmun kibanglo ihi nau ahin, Lalpa'n I sepa teu le kibang dingin ati diaklou ahi. Ahin, I talent leh thil nei te a, Lalpa'n thilpha bawldinga eidawi ahi. Chun, i talent te vuimang mailo a, matlou a koi lou a, tamtak gasua dingin ei doi ahi.

Thutawpna

Pathian leh a mite kal a ginumna leh, gingtu ginum tih bang ahi em? ti holimna apatin Pathian adinga ginum chubang ahi em, ti I he chian thei tau ahi. Khai le, suapite Pathian a dinga ginumtaka pang ham ham dingin I ki chial uh ahi. A mualsuate chungu Lalpa akipak ding ahi.

---o0o---

LESSON-29:

PAUL HINKHUA GINGTU GINUMNA

Thupatna

Paul hi Pharisai diktak, Benjamin nam a mi ahi. Amah hunlai a dinga, hotu liantak leh minthang tak, Gamalial nuai a seilian ahi. Amahi Jesu amu ma ale, Israel Pathian a dinga thangsia taka pang ahi. Gingtute soisa, that a, suangkul a khum dinga pan alakziak hi le, Pa Pathian a dinga a tawmngai ziak a pang ahi. Jesu leh a nungjuite hin, gindan diklou hung po lut a angai ahi. Jesu melma hi chu, Pa Pathian nasem a kingai ahi. Ahin, Jesu amu phat in, a melmapa Jesu a dingin thingam in 'gingtu ginum' a hung hita ahi. Pathian thu, Israel Pathian a mu dan ahung dik ta ahi.

1. Paul (Saul ala kiti) in Lal Jesu a hung mu dan.

"Tichun, a chia pek ah, Damaska khua daikiang a hun pha ta'n; thakhat in van ah kipat vak hat tak hin a hun khaw a; leitual in a kipuk ta'n; zia laitak ah chun aw khat in a kiang in, "Saul, Saul, bangatia ei sugenthei la hem?" a hun tia. Ama chun, 'Lalpa, kua la hi em?' atia. Lalpa chun, 'Nang in la sukgenthei Jesu chu ka hi.'" (Nasepte 9:3-5)

Jesu nungjuite sunawmna dingin panla zel a aum lai in, van apat Nisa sanga le vak zaw leh bat phaklou, hinna vak

Jesu'n a hung khopai tamai ahi. Paulin le, "Lalpa kua la hem?" ati tawp mai ahi. Lalpa chun, "Nangin la suknawmna Jesu chu ka hi" ti'n aki puang ta ahi. Thuthung lui a Mosi lekhabu zosia'n a gen leh a tuppen chu Jesu Khrista, Messia diktak ahidan a hung heta ahi. Jesu chu a Lal leh hukdampa dingin a hung pom ta ahi. Jesu dou a pang taloin, Jesu a dingin gingtu ginum, a thi chan in a hung hita ahi.

2. Gingtu ginum Paul chu Jesu Khrista chanchinpha ziakin 'thik kol' busak in aum

zaw in, “Ei zui in,” ati ahi. Zia ni le, a hung ko zing a, ama thil-apat chun Peter siamthak in a hitheina in ei siampha thei ahi. hung um kit ta ahi. Ama a dinga a tawp chan a ginum in ei siam thei ahi. Peter gualin a hepina’n ei tung ding nuam a, zawna chang ding in ei panpi nuam ahi.

Thutawpna

Suapi dawitak, Peter guala l ginumlona tamvei pi le um ta maithei. Ahin, Peter gualin Jesu’n l dinmun apat in, ei siamthak nuam zel ahi ti l geldok ding ahi. Jesu’n tuni hin

---o0o---

LESSON-3: MIDANGTE CHUNGA BANG GUALA GINUM DING IHU EM?

Thupatna

Gingtu ginumna chu Pathian toh ikal a ginumna itia a dik a, zia ban a chun midang toh ikal ale ginum ding chu a huap ahi. Tulai tamtakte chu Pathian toh lkal a lemnak leh, midang toh kal gelkhoklo a um uh ahi. Midang toh kal a zuathei mama ziang, Pathian toh kal hoi mama ziang a umtheilo ahi. Insung a kituakpi umlou, biakin a Pathian chawihoi a lim mama ziang a umthei lou ding ahi.

MIDANG TOH KAL A GINUMNA PAWIMO NA TE:

1. Nupa’n kal a ginumna

Bible in Nupa’n kal a ginumlouna ziaka thangsiatna hatdan chu, thina gual tuk ahi akiti ahi. Nupa’n kal ginumna chun, Khristian inkuan piting-tak siamdaw theina lampi ahi. Nupa’n kal ginumlona chun, insunga ki taksan tua louna, ginmawna ngen insung a hung hithei ahi. Chun a tawp leh insung kikhenzakna, a hung hiding ahi. Nupa’n kal a numei leh pawsal kitimatna bep a ginumna hiloin, Bible in nupa’n kal a ginumna chu, na kiseppiak tua ding leh kihpitak a hinkhua mangkhawm ding ati ahi. Tulai a nu le pa tamtak, ginum mama ngal, ahia nakiseppiak

tua na leh, kihpituana suklat-na lam ahin kivat mama atam ahi. Nupa’n kal ale l bible in ei gengual a, umthei ding in pan lathak zel hitiu.

2. Loi le Pai toh kal a ginumna

Gingtu ginumna akilatna chu, loilepai toh kal a ahikit ahi. Gingtu khat chu, thuguk kemthei gingtu ahiding ahi. Loi le pai kal a ginumlou chu, gingtu ginum ahithelou ahi. Bible a mun tamtakin ‘loi le pai’ kal a ginumna a gen ahi. David leh Jonathan kal a ‘loi le pai’ hepina le a gen ahi. David a dinga Jonathan Pa, Leng Saul chu a melma ahi. Jonathan in David chu, a thitheina ding lak apatin a hukdawk sek ahi. Da-

vid inle Jonathan toh a kal a hepina chu Nungak leh Tangval kal a hepina sangin a thukza-wi ati hial ahi. Thi leh hin kikal a kimuang ngamna, ginumna chu a um ahi. Ahinla, tulai khawvel a 'loi le pai' hingal, mani lokna ding, hamphatna ding ahiphot leh 'loi le pai' te thi leu le khok salou mi tamtak a um ahi. Gingtu ginum nang chu la ginum ding ahi, Pathian la hinkhua chung akipak ding ahi.

“Mi pani chu pakhat sangin a phazaw’n, a sepgimnav ah kipat chun kipakman phatak mu ding ahi ngal un. A puk uh leh le pakhat zawk in a lawipa chu kaitho ding ahi’n; a chang ah um chu a vangsiat um na e! A kipuk phat leh a kaitho ding kuama a um tak lo ding ziakin.” (Thugentu 4:9-10)

Thutawpna

Suapi, Nupa’n hinkhua ginum ding, bible gengual a na kispapiaktua leh hepina sulang zing ding pan laitiu. Chun, 'loi le pai' kal ale ginumna Pathianin a doigualin um dingin, ginum lou zawk a pang ihi khak inle, lunghei a David leh Jonathan guala 'loi le pai' a dinga ginum hidingin pan lai tiu.

---o0o---

chun, Peter chun, Jesu thugen, ‘Ak khua’n ma’n ngei in thumvei ei kilepsan ding lahi,’ ati kha a hun hedok ah; a pawt in, ha ka in avakap tai.” (Matthew 26:69-75)

Peter le Jesu a dinga, thingam a pang a kigen ahi. Jesu mandinga hungte sepia khat bil le, a satthak piak ahi. Khatvei lungphut in bawngam maleh, Thiampu Lal ma a tut ahia, zia ban a Pilat anga tut ahikit ahi. A chung thu vaihawm khum taktak ding ahiphatin, Peter inle akilepsan mai ta ahi. Thumvei hil hial, kitiam hial in, zia mi chu kahe kha him him puai, atita mai ahi. Gingtu ginum Peter chu Jesu’n a kochuam enkol dinga ataksan pa chu, a phatsan tu’n ahung pang ta mai ahi. Ahin, Pathian in a hepina’n a kaihuai zel a, a siam piting a, Pentecost ni thugentu’n a mang ta ahi. A hinkhua tawp na in, Jesu a dingin Martyr in, a bungbu lama kikhai in a thi ta ahi. Suapite, ei le a hepina’n ei pui in zawna chu ei pia ding ahi.

3. Jesu’n Peter a tung ding kit ahi. (John 21:15-19)

Lal Jesu a thawkit nungin Tiberia dil a nga man te, a zilsakte kinga akilak a, zia thu poimaw hi Peter a dong tai. “Simon, Johan Chapa, nangin ziate sanga hin lei hepi zaw em?” Peter inle, “I LALPA, ka hun hepi hi ti la hiai,” ti’n a dawn hu a. Chuleh, a niveina dingin a dawng kit a, “Simon Johan Chapa, nangin lei hepi em?” atia. Ama chun, “I LALPA, ka hun hepi hi ti la hiai,” a tia. Jesu chun, “ka belamte enkol in,” atia. A thumveina chun, “Simon, Johan Chapa, nangin kei lei hepi em?” ati zia ah chun, a lungthim a na ta’n; a kiang in, “LALPA, nangin bangkim la he hen, ka hun hepi hi ti le la hiai,” atia. Jesu’n a kiangin, “Ka belamte vak in; titakzetin ka hil lahi, la naupan lai in nang in la kawng la kigak in, la nopna lam lam in la chia sek hi. La hung upat phat leh vang, la khut jak inla tin, midang in la kawng hun gak piak intin, la chia nop lou na lam lam in hun kai in au’ a tia. Zia chu agen

Peter min umzia chu suangpi tina ahi. Thagau Thiangtho hung tung a Pentecost ni a thugentu a pang jiang thei kha le, Jesu'n a siam piting akimuthei ahi. Sanga man a kilawpa chu, kumthum sung a zilti a, Thugentu (main speaker) in a mang pan jiang thei ahi.

ii. Vangam chabi Jesu'n Peter a kolsak.

Pentecost ni thugentu a apang ahin, vangam chabi a honna ahi atiu ahi. Tichun mi 3000 a piangthak ngal uh ahi. Judate lak leh nam chuam chuam, pau chuam chuam te le apang ahi. Chun, Peter ma in vangam chabi Jentel te kianga, hukdamna a tuna dingin, a hon angai kit ahi. Cornelia te inkuan kiangin Thagau Thiangtho in a hil gualin, thugen in ava chia a, vangam chabi chu ava hong kit ta ahi. Zia zaw chun, gospel chanchinpha chu, khawvel muntin in aki thethang ahi. Gingtu ginum Peter in, Jesu nungju di-

gin, a bangkim akingakna a kuang tol leh, a nga matna len a septha, Jesu a dinga akipumpiak zia ahi. Sua-pite, gingtu ginum hiding hi Pathian lunglam ahi.

2. Peter in Jesu thumvei akipumpiak zia ahi.

“Peter chu huang pawlam ah chun a kichu. Nungak pakhat a kiangin a hung a, ‘Nangle Galili mi Jesu lawite khat la hi,’ a hung tia. Himaleh, a leng ua ma-ang ah chun a hung kilep a, ‘La thu gen chu ka he talojen hi,’ atia. Chun, inlim ah a vapawt leh nungak dang pakhat in ala mu, zia tak ah umte kiang ah chun, ‘Zia pa hile Nazareth khua Jesu tawh um sek a hui,’ atia. Ama chu kitiam hial in a kilep kit a, ‘Zia pa chu ka hekha him him puai,’ atia. Chomkhat zaw in a kiang a dingte chun Peter kiangin, ‘Nangle amau haw lawi lak ah mi lahi ngei hi lam e, la paudan inle a kihiai,’ a hun ti kit a. Zia zaw chun, hansia law leh kitiam hial in, ‘Zia mi chu ka hekha himhim puai,’ ati kit a. Ziaphatchun ak a hung khuang ngal tai. Ziazaw

LESSON-4: GINGTU GINUM CHU PAUCHAPNA LE A GINUM DING AHI.

Thupatna

Khrista gingtu khat hia, pauchap ngailo kitichu, gingtu ginum ahithe lou ding ahi. Mobile phone battery charging kibawl pawimaw gualin, gingtu a dinga pauchapna hi thagaulamin a poimaw ahi. Battery a bei le phone matthei lou ahi gualin, pauchapna hinkhua phataka kimatchallou chun, thagau lama hingmin pu mai kihithe ahi. Ziaziakchun, gingtu ginum chu, pauchapna le ginumtaka, titakzet in a pang zing ding ahi.

1. Mani mimal a pauchapna

Eima mimal damlou pumpum a, insungmi leh midang naseppiak ahaksai, ahitheilo tobang ahi. Ziagualma chun, mimal Pathian toh kipawlina a pauchapna dutuitaka neithe zel hin, thagau lama hisel akihisek ahi. Tichun, insungmi leh midang a dingin, pauchapna in panpitu hattak akihithe ahi.

2. Insungmite a dinga pauchap piaktu ginum.

Gingtu ginum chun, ama mimal Pathian toh akal aki suhat thei zing in, a insung a dingin le pauchapna panpitu muan umtak ahi.

“...Job chu zingkal ma tak ah tho in, amau chu ko in, a mimal tin uh sukthianna ding in kithoina

a changkim un a bawlpik sek ah; Job chun, “Ka chate hin thil phalo ala bawl kha pal in, a lungthim un Pathian ala samsia kha tawl in au,” ati zia ahi. Zia thil zia tak ah chun Job in zia gual chun a bawl sek ahi. (Job 1:5)

Job thilbawl apat hin, Nang leh kei inle, insungmite a dinga le, a min chiat uh lamkom in pauchapna l nei ding ahi. l insunga themtu panmun l pelou ding ahi.

3. Kochuam leh khawtang a dinga pauchap piaktu ginum.

A pawlam sangsang ale, themtu'n Pathian Kochuam sunga buaina a siam nuam diak ahi. Gingtu te kilik sakding, mualpho sakding, Pathian apat gamlat

sak ding tihi a tuppen ahi. Zia-ziakchun, Kochuam sunga memberte, Local Committee, PWF Committee, Khanglai Committee leh memberte zosia a dingin, ti-takzetin I pauchap sek ding ahi. Chun, khawtang a kivaipuakna, khosung haus, village authority te adingin le, I pauchap sek ding ahi. Chuleh, khawsung mite zosia kihepitua na ding inle, I pauchap sek ding ahi. Mimal takin le kaveinat mama khat chu, chenna khua Pathianin eipiak, a sunga cheng khawsungmite zosia piangthak theina ding, vanggam kaikim chiat ding tihi, Seminary a kalut malam pek a kala pauchapna chu ahi. A bon ua vang piangthak nai khel puanau, maleh Pathianin pauchapna a sanga, Evangelist chuam chuam in campte, crusade leh revival program te a hung bawl tau a, a kum akum in, khosungmite Piangthak a hung um sau sau ta, a diakin khanglai lamte, zia chu ahi kakipakna pen khat Pathian chung a Gingtu ginum chu pauchapna le ginum ding ahi, tichun Pathian Lalgam keklet a umding ahi.

Thutawpna

Gingtu ginum chu pauchapna le a ginum ding ahi, ti mangcha in I holim tau a, Pauchapna hinkhua in thagau lam dinmun banggual ihi, ei sulang ahi. Pauchapna hi Pathian in matchak ding a eikoi piak na bangtaka mangcha a, ama bia zel dingin pan la chiat hitiu.

---o0o---

LESSON-28:

PETER HINKHUA GINGTU GINUMNA

Thupatna

Peter hinkhua hile I et ahichun, tawmtaka kipan, sanga man a kilaw a hinkhua manga, Lalpa'n a sanga mat na mun apat a kou daw ahi. Amahi mi lungthim thiang leh kivek talo lou ahi. Jesu'n le a gai munpen le hintin, a kinaipipen le ahi. Gingtu ginum ahina, ama mimal Jesu toh a kal kinaina, Pathian hepina zal ah ahinkhua galzou ahidan en hitiu.

1. Peter in Jesu ahina phuang-dawk.

“Jesu'n a nungjuite ki-angin, 'Mihing Chapa hi mite'n kua ahi ei tiu em?' ti'n a dong a. Simon Peter in a dawnhu a, Messiah, Pathian Hing Chapa lahi atia.” (Matthew 16:13,16)

I Lalpa Jesu'n zia hi a dawt lai in, a nungju dang te'n Baptispa Johan ahi tipawl a um ua, khenkhatin Elijah ahi atiu a, midangte chun Jeremiah a hem, Jawlnei kua ahem khat hi'n a, atiu ahi. Peter in Messiah, Pathian Hing Chapa lahi ati ahi. Jesu'n le Peter kiangin, mi hampaha lahi ati ahi. A ziak chu, taksa leh thisan in a hiatsak ahilou dan leh, Van a Pa Pathian in a hetsak ahidan, Jesu'n a

gen ahi. Peter hi gingtu ginum ahina a, Pa Pathian apat le nungju dangte sanga, dawisak chuamna chang ahi, hetthei in aum ahi. Jesu'n le a genzom pek nalai a, *“Nang Peter lahi, ti ka hunhil belap hi; ahi'n, zia suangpi chung ah hin ka Kochuam chu lem ing ka tin; mithi kul kotkhak chun lang zo pua'n a. Vanggam chabi chu la khut in piang katin, lei ah la kan chu van ale kan hintin; lei a la thap chu van a le thap hi'n a, a tia.”* (Matthew 16:18,19)

i. Peter Pentecost ni Thugentu a pang ahi.

I Lalpa Jesu'n le, Peter chu ama aumlou nunga Kochuam enkotu dinga a guat ngal ahi.

ziakin, David le suang a selup a guat ziang phat un, David a dingin lauthawn umtak ahi tai. Ziaphatchun, "David chu LALPA a PATHIAN ah chun ama le ama a hung kisuhat tai" ati ahi bible in. David in le emergency thil ahitakziakin Thiampu Abiathar kiana chun, "Thiampu puanak kha hun la tia," ti'n a don a. David in Thiampu puanak chu a ak a, Pathian a dong a, "Zia pawlte hi ka delzui diam? Ka delpha nalai diam?" ti in. Pathian inle a dawn hu a, "delzui in, delpha'n la tin, a khut ua kipat vahukdok sik sek ding la hi" ti'n a dawnhu tai. David leh a sepaite mi 400vel in le adel ua, a delpha ngei ua, a ji a chateu a hukdok sik sek ta ahi.

Gingtu ginum David chu haksat, lunggim, beidong tawpkhok lai ale Pathian a aki nga zou ahi. Tichun Pathian toh kithua in, gal zou ahimai ahi. Suapite, nang le la lungkham beidon ni tamtak la tuak a, tamtak um nalai maithei ahi. Lalpa'n David gual a, ama a kinga dingin, ama toh gal zou khawm ding in ei doi ahi.

Thutawpna

David hi Israelte'n a Lal

hina sangin le, a Pathianmi hina in a gel thupi zou ahi tipawl le aum ui. Israel Lal te'n Thiampu hina nasep a bawl ngailo uh ahi. Lungjin beidong tawp khok ni'n, David in Thiampu puanak a ak mai ahi. Pathian a ho a, a beidon na thu a tut a, Pathian inle a dawnhu jiang ahi. David hi Lal hina leh Thiampu hina a kop chu hilo napi in, a poimo na a, a kop mai in a lang ahi. David khanggui a hung piang Lal Jesu Khrista ahileh vang, Zawlnei, Lal leh Thiampu hina a kop vek ahi.

Khaile, Lal David apat a hinkhua I holim ua, Israel te Philistin te apat a hukdok a, a melma Goliath a that ahi, Pathian min in. Chun, David in ama hekna lou in Pathian a bia ngai lou ahi. Nang le kei inle, I nei le lam, sum le pai, Pathian a dingin iki phal ding ahi. Ziabanachun, David in a lunggim leh beidon tawp khok in Pathian a bel a, Pathian panpina in a zi leh cha, a nei le lam te, a hukdawk zou vek ahi. David gual in Pathian bel zing thei dinga, I bon ua Lalpa'n ei malsawm chat ta hen.

---o0o---

LESSON-5:

GINGTU GINUM HITHEINA DINGA THIL PAWIMAWTE

Thupatna

Khristian khat ginna dettak leh piting tak, nei na dinga a chu, damsung khualzinna hun, mangzing kawm ah khanglian zel ding akihi ahi. Gingtu khat a dinga chun, mipi biakna kikhopna a pangte, Bible simkhawmna a pangte haw hi, thagau lama piting na dinga pawimaw ahi. Mipi biakna kikhawp ban a, mimal pauchapna leh mani ki et chianna te haw hin, Pathian toh kal sukhat thei ahiban a, hinkhua lungawi umtak leh gingtu ginum hitheina ding ahi.

1. Ginna kibatpi laka ki-matchakna.

i) Biakin kai zing ding: Ei uh Manipur thingtangmite a dinga Biakin kai hi a pawimaw mama ziang ahi. Covid19 ziaka biakin kailo sunga le, gingtu tamtak in nungtolna hun in I mang uh ahi. Lekhakap lama nungtol loi, zudawn lama nungtol loi, tamtak aum ahi. Biakin kai ala fel mama tele, thagau lama kithada in hun mang tamtak a um kho-lo ta ahi. Covid19 hat sunga, Pathian a hatzing vang mi tam dingin gingchak aum lou ding ahi. Ahinla thagau a kisuhat thei pa/nu ahem chu pakchat um mama ahi, tigual mi te haw ziaka chun Lalpa

pakin um ta hen. Ei thingtangmi lak ahin, a tangpi in, atam zo, thagau lama chiazing theina dinga chun, biakin kaizing a kinga a tamzo ahi ding ahi. Ziakachun, gingtu ginum hiding chun biakin kai zing ding ahi.

ii) Sacrament: Holy Communion, kipawlkhawmna thiangtho a pang a pawimaw ahi.

Sacrament hi I ginna sukchianna ahi. I Khristian hina ale Thagau lama I kingakna thubul, a mugil tak, hiatzing dinga etsakna ahi. Sacrament pani I neite chu: i) Baptisma ii) Kipawlkhawmna Thiangtho (Holy Communion) Khrista phudaw Sacrament te chu, Baptisma leh Lalpa

anthiang a kipawlkhawmna te hi ahi. Baptisma chu Pa leh Chapa leh Thagau Thiangtho min a tui a sil hi ahi. Zia hi Khrista tawh ikizawp nateu, Thagau Thiangtho zal a pianthakna leh sukhinna, teptena leh Namdetna ahin, Lalpa kianga ikilatnau thilhi ahikit hi. Agitoloteu sim a, Khrista chu a hukdampa dinga ginga puangtute leh a chateu chansak ding ahi. Lalpa anthiang a kipawlkhawmna thiangtho chu, Khrista thina hiatzingna dinga vaithum leh uain nek leh dawn khawm hi ahin, gingtuten Khrista thina ziaka Kumtuanga hinna I chan nau leh lawkna I chateu teptena leh namdetna ahi. Ama mite chun Ama leh akilatna a pawm danteu, a lawkpi danteu, anasem dinga akipiak zel nateu, ama apawl nau leh midangte tawh akipawl nateu etsakna dinga a hungkit masangsia chu anekkhawm sek ding uh ahi. Sacrament lawknate chu Khrista malsawmna zia leh ginna ah ne leh dawnte chung a thagau in na asepa zia a

hung um ahi.

iii) **Gingtu Ginum hina dinga zilnalam gel pawimaw ding ahi.**

Bible study ate, Sunday school class phatak a pan te, Kochuam kihilnate, Bible chang hiatchianlou te la nei ahichun, dawtding kiphalam kin. Hetchian nop ziaka thudawtna chu ginumlouna ahipua, ginna sukhatna ding ahizawi.

Ginna tawh kisai a Pastorte, Bible zilna neite la dawng thei ahi. La ginna, kumtuanga dinga la kingakna hi, gendaw ding jachat ding ahipuai. Zia sanga chu gen zel ding, midangte a buai a umleh le, kihetdawn pang thei ahi. Pastor khat vang chun, a insung ua testimony hi kumsin leh, velni velthum bang, insung kikhawpna a Ama, azi leh a chate gending akithaksak sek uh ahi. Paul inle a thugenna a Jesu toh a kituakna, Damasca kua vak in a khopai a, Jesu toh akituak ua, Lal leh hukdampa dinga a pomna thu chu, a chiana (khualzinna) a gen zel sek ahi. Ama kisukhatna'n leh midang te'n

nei ah nang ah kipat ka chawkdaw ding ahi; keima kisenna loin LALPA ka Pathian kiang ah halmang kithoina thil chu lan lo hialing ka, atia.” (2Samuel 24:24)

David chu gal muang in Pathianin a koi ta, Israel leh Juda chungin Lengin vaiahawm ta ahi. David in a sepaite gal-sat thei jat het a nuam ta'n. Joab leh sepia hotute chu a sawl ta, Israel laka chemjam panthei a sim nau a chun, mi 800,000 a um a, Juda laka chemjam panthei mi 500,000 a um ahi, akigom in 13,00,000 (lakh 13) a um ahi. Zia hin David lungthim chu sut gualin a hung na ta, Pathian a kulpi akihumhimna hinapi in, aman a sepaite ah akisuang in a hung kilang ta. Pathian kiangin ngaidam a dawn a, himaleh, Pathian in gotna pathum laka a pakhat penpen, a mite chungatung ding atia. Zia agot na zia k a chun Lalpa Vansawlchakin mipi a tha zat chu 70,000 ahi. David in Pathian kianga, “Kei agilo pa leh ka insungmite hi ei got zawn, zia mipite hi sukkhial neilo belam honte ahiu” atia. Pathian inle Vansawlchak kianga chun, “hun ta he, la khut kha

lam takin” ati ahi. David inle LALPA thupiak gual in, Araunah phual a maicham siam dinga akisa ahi. Araunah in a kithoina dinga gancha leh thing te, a thawn a piak a gua, himaleh David in a man kimtaka pevekding kahi ati ahi. Pathian biakna kisuhek lou a, maicham thillat lan puangka ati ahi. Tichun, halmang thillat maicham ala'n a, Pathian in Israel gamsungga natpi chu ala dok ta ahi. Gingtu ginum in eima kisuhek a Pathian I bia ding ahi.

3. **Gingtu ginum David in a lunggim leh a beidong tawpkhawm in Pathian apat hatna ala thei ahi.**

“Himaleh, David chu LALPA a PATHIAN ah chun ama leh ama akisuhat tai.” (1 Samuel 30:6)

David leh a sepaite nithum lam a hung nung un, a umnau Ziglak a hung tung ule, haltumsa in ala um ta ahi. Amalek te'n a zi a chateu, a nei le gou zosia ala pomang tau ahi. Ziaphatchun, a sepaite nasan le a zi a chateu, suak le sal dinga kipo mang ahiziak un, a lungthim uh a nat mama

**LESSON-27:
DAVID HINKHUA GINGTU GINUMNA**

Thupatna

David hinkhua l et ahichun, abul a pan hoi mama ahi. Saul in tha dingin del tol tol maleh, ginumtakin Pathian a belzing ahi. Ahin a sunzom hoi puai, Uria zi Bethshebi leh Uria a melma te khut a atha sak na chung a bawl khial nasa mama ahi. Chun, census lak chung a le Pathian a sulung awi puai. David bawlkhi-al nate Pathianin kiguntakin a thunun ahi. Ahin, David in Pathian a bel zing ahi. A sukkhial nate ale Pathian anga akipelut jiang ahi. Tichun, ngaidamna a changa gingtu ginumna thasuak louin, hinkhua amang tum ahi. David gingtu hina a thil bawlphatte leh ahina te en hitiu.

1. David in Philistin mi Goliath a that in Israel a hukdok ahi.

“David in a sakhau a sawk ah, suangchang pakhat a ladok ah, a vaisuangse ah avak se leh, Philistin mipa chalki a sep-kha’n; suangchang chu a chalki’n a lut ah, a khup lam in tual a baw tai. Tichun, David in vaisuangse ah suangchang pakhat bep mang in, Philistin mipa chu a zo in, a that tai; David in chemjam a chawi puai.” (1 Samuel 17:49,50)

Zia dinmun hi, Israelte suak le sal a tangthei ding dinmun a um ahi. Philistin te’n Is-

rael gam a hung nai deu deu ua. Philistin mipa Goliath in a zaw le Israelte zosia Philistin te suak a lut ding dinmun a um ahi. Samson thahatna, LALPA Thagau Thiangtho kha, David sungin a um a, hangsan takin a zuan ngam a, chemjam le choilou, himaleh, vaisuangse mangin, suang chang pakhat in Israel pumpi a hukdok ahi. Gingtu ginum chu Pathian in a choihoi sek ahi.

2. David gingtu ginum in ama hekna ngei in Pathian a bia ahi.

“Himaleh, lengpa chun Araunah kiang in, ‘Ahipuai, a man

le a phatchuampi sek uh ahi.

iv) La ginna nasep a suadawk dingin, nangma leh nangma lakipiak ding ahi.

Pathian thu bep hiloin, kochuam a kimatchakna ate l ginna apat naseppha suadok nading tampi aum ahi. Tuanvai a pangte bang, sum law lou kei a, me le bu ei huanpiak mipi a dingin. Khanglai thapia kuan te bang, Nau-chaga leh Meithaite kithuapi na ate. Jesu Khrista l ginna apat nasep in a zusek/zuiding ahi.

v) Thagau lama kipawlkhawmna Retreat tite, camp a pang ding ate, Crusade ate ginum taka pang a pawimaw ahi.

Thagau lama ginna kibu-phuna ding leh ginna dettak l neina dingin.

Thutawpna

Gingtu khenkhat chu, Pathianni kikhop, kiginni nitak kikhop vel a pang nak leh, hun-sak jiang. Ahin thagau lama kisukhatna te, kochuamte toh kipawl nel zokna te le poimaw ahi. Retreat na ate, Crusade ate leh Camping a Pathian thu kipawlkhawmna ate pang zel hin, thagau lama kisukhatna ahiban a, taksa lama le khandouna, khawvel lianzaw muna ahi. Gingtu ginum hitheina dinga a ban ban a l hung etsuk teu chu, ei kochuam in l zui leh l chiapi deu te ahin. Suapite, pan la zel a, thagau lama pit-ing lam masawn zel thei dingin, Pathianin simtute leh ngaithat-ute malsawm ta hen.

---o0o---

LESSON-6: KHRISTA A GINNA ZUNG THUKTAK KHO NA DINGA PAN LAK DING DAN

Thupatna

Gingtu ginum hina dinga chun, Khrista a ginna thuktak leh dettak nei a ngai ahi. Mi khenkhat te chu, Khristian himaleu ginna lama chun ginglo tute toh kikhiakna umlou khopa khosa tamtak a um ta ahi. Nang leh kei, Khrista a zung thuktak kho dingin, pan lak ding I gel pawimaw ding ahi. Ziana dinga chun a ban ban in en hitiu.

1. Pauchapna nisin a neiding.

Gingtu ginum chu pauchapna hi a poimaw pen khat ahi. Mihing ngaituana kitheng zing ihina toh kiron in, pauchap zing thei dinga kisak ding ahi. Lungthim kipakni in, kipakthu genna pauchap ding ahi. Lungngai ni'n hatna te, thokhatna te dawn in pauchapna I nei ding ahi. Bang gual I tuak inle pauchap zing thei hinkhua nisin a I nei ding ahi.

I lungthim pauchapna dinmun a I um theina dinga chun, Bible chang sim a ngaituana piak ding ahi. Tichun, pauchapna lama I lutpai thei ding ahi. Bible sim lou a pauchap hi ahimo diakpuai, ahinla Bible sim masak hi zongsak dinga phapen ahi. Bi-

ble a Pathian lunglam a uma, a lunglam het masak a pauchap chu, Pathian toh kithuguala, a lunglama kipuisakna pha ahi.

Chun, I pauchap phattak leh, I lunggil taka um, a sia apha, ihina bangtaka Pathian ang a suadaw ding ahi. Ama'n ei panpi intin, a phalou I suadaw te apat zawna ei pe ding ahi. Khenkhat te chu, a lungthim tak a pauchap lou, a polawng a pauchap sek. Thil selguk I nei ahichun, ama Pathian in I selguk chu ei sangin le a hechian zaw ahi, ti I geldaw ding ahi. Pauchapna a ama doigual a, iki puisak ding uh ahi. Ei doidan ngen a I pauchap ahichun, ei zok Pathian sanga thuneizaw kibang ding ahia, chia khialna a hung hithei ahi. Pathian

hi akipaklam ahipuai, ahinla, zia haksatna te atuak zia u, Thagau lama piting tak ahung hidiu chu, Pathian lunglam ahisek ahi.

Thutawpna.

Job hinkhua gingtu ginum I et nau apat in, Pathianin a mite ginumtaka umte chu setan kiangin kiatpi takin a gensek ahi. Chun, gingtu ginum Job in a chate Thagau lama piting tak ahitheina ding uh, a gel poimaw ahi. Zia ban a chun, Pathian in ama adinga gingtu ginum, a gingchak te chu suknaawmna tuak le a phalpiak sek ahi. I vak hetkit diukhat chu, Job hun laia Bible um nailo ahi. Nang leh kei huna Bible le um ta, Jesu etton ding le um ta, Thagau Thiangtho le um ta, Pentecost tung ta ahiziakin. Job sanga dinmun sang zaw ki ding ahi. Job in vangam tak le, Pathian kianga agen ding chu, "Lalpa kei hunlaia Bible le um nailo maleh, gingtu ginum in ka um ahi, a tawp chan in ka pang zou ahi," ati ding ahi. "Ahin hun nunung lama a

gingtu te hin Bible a nei ua, Lalpa Jesu hinkhua etton ding le anei ua, Thagau Thiangtho le piakin aum tau a ahi. Bang atia nanga dinga ginumlou tei tei nalai ahiu em? ti'n Pathian anga agen thei ding ahi." Sua-pi dawitak, Job gual a gingtu ginum hi thei chiat dingin, pan laitiu in, kisiam pha zel hitiu.

---o0o---

num hithei dingin siam piting ding agel poimaw ahi.

Job in a chate'n luaithe na haw a nei zaw sin ule, zingkal matak a tho in, a chate a dingin maicham a siam zing sek ahi. Job chun, *"Ka chate hin thil phalo ala bawl kha pal in, a lungthim un Pathian ala samsia kha tawl in au,"* ati ziak ahi. (Job 1:5)

Tulai insung leh khotang buaina hohi pawlam buaina ahi deu ahi. Chate khamthei addict nunga siamphatna dinga buai. Gukchak ziaka kiman thubuaci tite, mitoh kinak ziaka buai tite ahi. Gingtu ginum Job buai pi ahileh vang; lungsung lama sualna umtheite, aum khak leh sukbeina dinga, zing sin in maicham siam in, Pathian tawh akiho zing ahi. Insung maicham pauchapna khawmnate, mimal pauchapna te, habawl hitiu, tichun mimal, insung leh khotang, society siamphat thei a hung hiding ahi. Gingtu ginum tamtak siam piting na dingin, gingtu ginum leh Pathian a poimaw ahi.

3. Pathianin ama adinga a taksan gingtu ginum te, suknawmna tuak a phal piak sek ahi.

Job le ama mimal hinkhua Pathian mitmu leh setan mitmu a gingtu ginum ahi. Job hinkhua 'ginumna' chung a Pathian toh setan aki nial ule, Job bangma hepha lou pa, apum apekin a thuak ahi. Pathianin Job ginum dan setan kianga agen le, setan in Pathian kianga, nangin tamtaka la mal-sawm a ahi, tia a dawnhuna apia. Pathianin le setan khuta pedawk in, ahia a hinna chou a laktheilo ding ti ahi. Setan inle tia chu panla, Job in Pathian toh setan kiholimna haw chu ala he masa henla hileh, Pathian a dinga hapan a pang ding ahi. Ahinla, zia haw zosia chu Job in hemasa lou ahi. Ahivangin, Job chu a tawp chan in 'gingtu ginum' ahizing ahi. Suapite, Pathian a dinga gingtu ginum lahi ding ahichun, Pathianin suknawmna te le hung tuaksak thei ahi ti hezing hitiu. Pathianin amite, haksatna, got na tuak te

doidan, Pathian lunglam gual a pauchap ding ahi.

2. Nisin a Bible sim zing ding ahi.

Nisin a hun minute bangjat ahem Bible chang tam-lou phabep ahem, sim na ding hun bithiak a pha ahi. Chun, ngun taka ngaitua ding ahi. Zia Bible chang kisim chu, nisin hinkhua bang gual a matchak pawimo a pang ding ahem, matding dan, hinpi ding dan l gel ding ahi. Tichun, Thagau Thiangtho in hetkhentheina, hetthiamtheina te ei pe ding ahi. l hinkhua matdan a Pathian lunglam a Thagau Thiangtho in, Bible chang sim te mangcha in ei puiding ahi.

Kochuam sunga Bible simkhawmna hun te, Bible lam toh kisai a program te a pang zel ding ahi. Ei kochuam a Sunday School class piting, khanglai leh naupanga hi, a thei ahichun, a hotute hi training zo tate haw bang ki pangsak theile chu phading ahi. Bible chang le(translate) khial ziaka, sautak gammang a vakvai thei ahiziakin, l kochuam a Pastorte hi a thulama buaina neite'n, l

zuan masapen sek ding uh ahi.

Gingtu ginum chu nisin a Bible toh ki thasuak louding ahi.

3. Pathian umpina (presence), nisin a vel et na (Reflection).

Pauchapna hinkhua, Bible simna hinkhua l hung mat touzelna ahi'n kichaisakpua hitin. Zia thagau lam hinkhua lamzot a pan l hung lakna ahin, Pathian umpina l chan te, l hinkhua Pathian khutnung kilang te, l vel et sek ding ahi. Ahidi mong a koi ziang na hin, tamtak Pathian in ei hiatsak ut te helo a umthei l hui ahi. Pathian chu lei le van enkoltu Pathian liantak, himaleh thil neuca (l lung gel) haw natianga le Pathian ahi, ti igel daw ding uh ahi.

Abraham toh a chapa Ishmael, a suaknu Hagar toh ahin, a loutheilo a kikhen dinga aum tak ziak un, Abraham a lungthim a giksak mama ahi. Himaleh Pathian in Abraham kiangan, "Naupang chungchhang thu leh, la suaknu chungchhang thu ah hin, lungthim nopmawna'n nei kin" ti'n a dawn hu ahi. Nang leh Kei a dinga

le, Abraham Pathian chu I Pathian ahi. I lunggel, I hinkhua, I control theilo thil tung te, Pathian in lungthim nopmawna'n nei kin, kei ka um na hila tia a hung dawnhuna ahi. Pathian hi thil lopitak, van a ni leh tha leh aksi te zosia siamtu Pathian ahiban a, thil neucha nang leh kei mimal buaina leh haksatna te zosia gel khok Pathian le ahi, ti het ding ahi. Nang leh kei in I tup ding chu gingtu ginum a tawp chan a, I damsungia hiding hi ahi.

Thutawpna

Suapite, Khrista a ginna a zung thuktak phu ding ahidan I gen tau ahi. Thigopi hat in, ni sa in, gua leh dai kai maleh, kiling lou a Khrista a dinga zung thuktak khawlut a, dingdet thei dingin, pan la hitiu. Khrista a ginna in I um chiat nau em, ki en zing hitiu.

---o0o---

LESSON-26: JOB HINKHUA GINGTU GINUMNA

Thupatna

“Uz gam ah chun mi pakhat a um ah, a min chu Job ahi. Zia mipa chu demna bei leh mi diktat, Pathian lau thil phalo him him bawl ngailo mi ahin.” (Job 1:1)

Gingtu ginum kitichu zia gual mi hi ahi ding ahi. Job hi Bible in “demna bei” atileh chu mi phabukim chu himai ding dan ahi. Pathian mi chu, Pathianin pha bukim dinga ei dawi ahi. I mimal, I insung, I khawtang leh I Kochuam ale phatna, diktatna, Pathian kichakna leh soal huatna te hin, I kitilkhau ding uh ahi. Job hinkhua apat in en khawm hitiu.

1. Pathian in setan kiangin Job chu ama adinga gingtu ginum ahidan, kiatpi takin a kawngam ahi.

Lalpa'n setan kiangin, **“Ka suak Job saw la ngaitua kha em? Khawvel ah hin ama tawh bang ah pha bukim, thutak, Pathian lau leh thil phalo tak ah kipat kisum thei mi umlo ei vei,”** ti'n. (Job 1:8)

Pathianin gingtu ginum Job chu setan anga a kiat pi mama ahi. Setan inle pan ala, Pathian anga Job ginumlona mudaw a gua, ahin a lawsam ahi. Job hinkhua gingtu ginum ahiziakin, setan chu Pathian

anga a mualpho kei jiang ahi. Zia gual ahin, Pathianin khat le ni, ama adinga ginum taka khosa, mi pha bukim, thutak, Pathian lau leh thil phalo laka kisumthei mite chungin, aki-pak mama sek ahi. Zia gual a gingtu ginum te chu, Pathianin setan kianga, zia mipa/minu khi en tiam in, ka mi ginum ahi ati ding ahi. Tichun, setan agen ding heloin, alu khun in, thip-bek in aum ding ahi. Job guala gingtu ginum Pathianin a doi ahi.

2. Gingtu ginum Job in a chate ama guala gingtu gi-

ei hezing inla, chance khatvei
bep ei pekit in ti'n a don a,
Pathianin Samson pauchap-
na ala ngaiha, a ngaidam a,
chance khatvei a pekit a, zo na
lopitak a pia ahi.

Thutawpna

Suapite, Pathian in
Samson hi gal a zo kei nunga le,
hattak leh hangsan taka ding

chang dinga a doi ahi. Maleh,
Pathian anga ginum zawlona
ziakin, a kilik a, maleh Pathian
hepina'n a tung ding kit a, za-
wna lopitak a chang ahi. Nang
leh kei le, Pathian toh I kiton na
ahin, chingthei taka khosa zing
hituu. A tawp chan a gingtu gi-
num hithei dingin pan lai tiu.

---o0o---

LESSON-7:

GINNA DINGDET ZINGNA DINGA POIMAWTE

Thupatna

I Bible in ginna a la umzing nau em, nau le nau ki en chian
un ati ahi. Gingtu ginum hina dinga chun, ginna I um leh umlo, ki
et chian zel a, pan lak zel a poimaw ahi.

Ginna a dingdet leh masawn zel a um thei na dinga po- imaw te en hituu:

1. *Thepna zaw na dinga Path- ian kianga panpina dawna pauchapna nei zing ding ahi.*

Gingtu hinkhua kua-
ma thepna tuaklou aki umlou
ahi. Thepna tuakdan akibang
pua, khenkhat a dinga hak-
satak le khenkhat a dinga
bangma hilou bang um thei
kit ahi. Khenkhat chu thatbe-
ina ziaka thagau lama chau
tampi ki umsek. Khenkhat chu
nasep lunglut taluak ziaka
thagaulam gel poimaw zo-
lou le um thei kit ahi. Zia ban
a chun I lunglutna inle thep-
na a hung um nuam deu kit
ahi. Ka neulai in TV series
Cartoon picture aki en nuam
mama jiang sek ahi. Zia TV
ka etnop hun uh toh Sunday
School class pang hun tawh
kituak chet sek ahiziakin, ka

buai thei mamau ahi. TV en
ding ahi em, ahiloleh Sunday
School kai ding ahi em, khat
zok zok tel ding ahisek ahi.
Sunday School kai sangin TV
lam chu ka lunglut zaw mam-
au ahi. Pathian doidan sangin
tisa nopna lam, etnop thil in
eipui mang zaw sek ta ahi.
Panpitu aki ngai mama ahi.
Pathian chate piangthak dik-
tak chun, chau hun um maleh,
thepna te zou zel a panlak
ding ahi.

Suapite, thilphalou
bawldinga thep a I um phat
ule, thepna zawna dinga
Pauchapna leh Bible sim hi a
damdoi phapen ahi. Zia zaw
a chun, zia thilphalo bawl
lou na dinga chun, thildang a
kisukbuai ding ahi. Khangthak
te a dinga kisukbuaina dinga
pha chu games jat chuam ch-
uam football ate, volleyball
ate, badminton leh a dang

dang, insung sukthiang tiho bang, huan nasep tite, lungthim phalo apat kiveng na dinga pha mama ahi.

Suapite, midang kua ahem, la loipha mama hiziang leh le, thil phalo a lahet bawldinga a hun zawl chun, nangma la mantam dan leh Pathian anga lul tak lahidan kihe in, hangsantakin hung zawl talo dingin gen in. Chun, thilphalo bawlding dinmun a la um inle, Jesu'n ka thiltuak te tuak le bangtin aum diam aw, ti bang ngaitua in, Jesu'n a bawlding guala a theichan a bawl ding ahi.

2. Gitlo simna leh Ngaidam dawtna.

Gingtu khat I hinna chung, hatni leh hatloni bang akinei sek ahi. Hetding khat chu bangtik lai in le, nisin gitlo sim leh Ngaidam dawtna ding kinei zing ahi tih, khawvela I lenlai a mihing hatlo akihina ahin, pawimo mama ahi. Zingkal I tho leh panpina dawt ding, kipakthu gending ahi. Nitak leh zan lama gitlousim leh ngaidam dawtna hi neizing thei le hin,

Pathian toh I kal a thianglou te sukthian a um zing ding ahi. Tichun, gingtu hinkhua Thagau lama hisel taka kimangcha zing thei ding ahi.

3. Gingtu hinkhua a buaina hetthiamlote tuak lain, ginna sukhatna in mang cha'n.

Ginna a thil hethiamlou ding khop la tuak inle, jachatna in ngaikin la, ka ginna sukhata aum theina dinga ziagual thil tuak kahi ti zok ding ahi. Gingtu ala chia masate le, ziagual chu ala tuak thou ahiu ti hetzing ding ahi. Buaina thil hetthiam lou tuak phat inle, insungmi chanau leh thagau lama puitu Pastorte, Upate haw toh genkhawm pi dinga i umthei ahichun, a pha ahi.

4. Haksat gim genthei thuakte panpi ding lungput nei zing in.

Khawvel ahin haksatna leh gentheina te hi a um zing ahina chung, gingtu ginum khat chun thilpha bawl a panpi ding leh, panpi ding lungput nei zing ding ahi.

I Lalpa Jesu ngei le, khawvela a hung lenlai in,

a melma teu a piakdaw guat uh ahi, Israelte bit zokna dinga. A melma teu kipak mama a kiko thom git chu, a het phatin, a hatna LALPA Thagau in a hun thuama, khauhual liantak tak te leh thikkhau te chu, Samson aki sang leh, a tuitha vek mai ahi. Chun Sabiltung khagu amu, ziachu mangin, mi thahat lai sangkhat chu a that zou vek mai ahi. Suapite, gingtu ginum tak te a dinga I hatnau thuguk chu Samson a toh akibang ahi, LALPA Thagau Thiangtho ahi. Samson melma te chu a zatchuam a, tu gingtu te melma a zatchuam ahi. Gingtu ginum taka I pang zing nakle, LALPA Thagau Thiangtho thahatna zala galzou zing dinga Pathianin ei guat ahi. Khawvel kisi am til apat Pathian chu a ngai ngai ahi, a chau ni leh, a basap ni a um ngailo ahi. A gual lel lam um ngailo ahi. Gingtute'n eima lampang a I bawlding dawl I bawl nak le, Pathian chu ama lampang a ginum zing ahi.

3. Gingtu ginum Samson a ginum zolouna leh Pathian

ginumna.

“Samson in LALPA a hun ko ta'n. “Aw LALPA PATHIAN, ei hezing inla, khatvei bepcha hilehle ei hun hihat in; aw Pathian, Philistinte chung ah ka mitchang pani phuba ka lak theina ding in hunkhat bep ei pia kit in' atia.” (Vaihawmte 16:28)

Pathian toh a kitepna samtan lou ding ti himaleh, Delailah a ngaizawng nu'n a thempuk tamai a, a samtanpiakin a um ta ahi. Tichun, a tha a chau ta'n, a hatna'n a nusiat tai. Lungthim nat um mama chu, Delilah'n la melmate a hung ta ei, atia. Samson le nidang leh hundang gual a khan vak kitandok in vak kije dok ing'ka ti'n a ngaitua a, “LALPA'n ala taisan ta ahi lam him him ahe puai” ti I bible in I mu ahi. Tichun, a melma te'n a mit a kheldo piak ua, sum-eng thikkhau in a hen ua, suangkul sunga buhekna suang a heksak tau ahi. Tiguala lungthim nataka aum lai in, lunggil taka a sukkhialnate, simna diktak nei in, Pathian kiangin a pauchap ta ahi. Pathian kiangin, “Lalpa

a puaitel mai ahi. Gingtute l hatnau chu Jesu Khrista ahi. Ama a dingin ginum takin l um ding ahi.

ii. Gingtu ginum thu-awi taka a umlai in, a thahatna chun, a nu le pa a dingin khuaizu gual a thum ahi.

“...sakeibaknei luang chu en dingin avak pet ah; chuleh, sakeibaknei luang sung hawm ah chun khuai ala kai in, khua-aiju ala um ta'n. A kuat dok ah, a chia kawm in a ne ta'n. A nu leh pa kiang a hung tun phatin, amau chule a pia'n, a ne tau a. Himaleh, zia khuai zu chu sakeibaknei sung ah kipat a lakdaw ahi ti chu vang a hil puai.” (Vaihawmte 14:8,9)

Samson in sakeibaknei a tha na mun a chiakit phat un, a luang va endingin a chia ahileh, a luang sunga chun, khuaizu a mu ta'n, zia chu ala, a nu le pa le a pia, a netau ahi. Samson thahatna chun, a nu le pa a dingin khuaizu a chang mai ahi. Tulai nungak tangval thahat laite, nu le pa adinga khuaizu

gualin. Aloleh, nu leh pa'n le thitha lau a, alau lahiu em? La sep ga uh, la nu la pa teu in kipaktakin a ne tau em? Nu leh pa a dinga kipakna tun tu, cha nei man um la hiu em? Ahiloleh, nu leh pa su lungngai tu? Kigelpha hitiu.

2. Gingtu ginum Samson khauhual a kan himaleh, LALPA Thagau a chung a umlai sia, bangma'n a nang zoulou ahi.

“Chun, Lohi khua a hung tun phat un, Philistinte chu kipak mama ah kiko in, amau dawn dingin a hung kuan tau a; chuleh LALPA Thagau in a hun thuam ah, a khut a kannau khauhualte chu mei in a kak tan gual mai in a jetan tan; a khut ah thik-khaute chule a tuitha zo ta mai a. Chuleh, ama'n le sabitung khagu thak deu khat a mu chu a la'n, zia khagu mang chun mi sang khat a that a.” (Vaihawmte 15:14,15)

Israelte hi a melma teu Philistin te nuai a um ahiu ahi. Ama mite ma man Samson hi khau hual a kantom in,

damlou te a sudam a, mit-thumte mit a sukvak piak a, phakte a suthiangtho a, a thugenlou kal leh thilpha bawlin hun a mang zing sek ahi. Gingtu ginum chun gim-genthei thuk te, Jesu gualin panpi in, thilpha l bawl zing ding ahi. Mi l panpi theilo takin le thilpha bawl l guat zing ding ahi.

Thutawpna

Ginna dingdet na dinga poimawte i en tau a; ziate chu thepna zona dinga

pauchapna panlak te, gitlo sim a ngaidam dawtna te, haksatna leh buaina te ginna sukhatna a mangcha thei ding ate leh, haksat gim-genthei thuk te Jesu gual a panpi ding leh, panpi theilo takin le, panpi nopna lungput neizing ding ti ahi. Suapite, a taka matchak a manga, ginna siam piting na mangcha dingin kisai tiu.

---o0o---

LESSON-8:

GINGTU GINUM HETCHIAN THEINA PATHUMTE

Thupatna

Gingtu khat hina a Pathian leh mihing mitmu a hetchet-theina pen chu “ginumna” hiziang maleh, zia thil pathum te hi a poimaw ahi dan I sulang nuam uh ahi. I ginna I sukhat na ding ate leh, I lunggil zosia Pathian na I sep theina ding ate a poimaw ahi. Zia thil pathum te chu en hitiu:

1. Thiangthona hi amasapen ahi.

Lalpa chun Mosi ki-angin, Israelte kiangin zia gual hin gen in, a tia: La thiango ding uh ahi, Keima LALPA la Pathian uh ka thiango ngal in. Jesu toh umkhawm zingte hettheina chu; kingaitawmna, kipakzingna leh thiangothona ahin het thei ahiu. Zia pathum te hi tasam a laki het chun, eima iki dawt ding chu, Pathian anga helna lungthim ka nei em? Pathian lam thil sanga khawvel lam thilte ka dawizaw zing em? Ngaidam theilona leh chaponka ka nei em? Tite eima leh eima iki enchain ding ahi. Thiangthona hi del zing hitiu. Pathian Thagau Thiangtho toh iki pawl nau, thiangothona in aki nga ahi.

Thiangthona apat in ginna hanta leh thagau lama thilhitheina a hung piangdawk ahi. Tisa lam lunggulna apat vang ginza-wlona leh thagau lama hawm keu a umna a hung tut sek ahi. Gingtu tisa lama hingzing te chu a pauchap ngai puau a, a pauchap taktak ngai puau hi. Chun Pathian lunglam a hawl ngai puau hi. Zia ban achun, Pathian giltaka biakna a nei-thei puau ahi. Tigual a gingtu um ihi khak ahichun, Pathian lama kilekit hitiu. Kisik a lunghei a Jesu kengbul lama puklut kit le hin, ama'n I sunggil lam apat tuihing lui gual a, Thagaulama ei suhing kit zel ding ahi. Lalpa'n, hitihin a gen ahi, **“Ei hawl inla tiu in, la lunggil zosiau a lei hawl phat ule, ei mu'n lau,” ati ahi (Jeremia 29:13).**

LESSON-25:

SAMSON HINKHUA GINGTU GINUMNA

Thupatna

Samson hinkhua hi et in, lungthim nat um mama jiang hinkhua ahi. Numei chung a puk ziakin, a sam tanlou ding chu tan in aum ta, a thahatna Pathian Thagau Thiangtho in a nusia ta ahi. A thupi le ‘gingtu ginumna’ sangin ‘gingtu ginumlona’ tizok mai ale kilom a gen thei ahi tile um ina. Ahin, Pathian hepina (the grace of God) vanga a tawpna galzou ahi thou ahi.

1. Samson gingtu ginum ahi laisia a thahatna Thagau Thiangtho in nusia lou.

Pathian toh a kitepna, sam tan lou ding ti chu, a zop laisia a thahatna'n a umpi zing ahi.

i. Samson thahatna thuguk leh gingtute thahatna

“Ziaphatchun, Samson chu a nu leh pa tawh Timnah khua'n a chia suk tau a. Timnah mun ah grep huan khat a hung tun phatin, sakeibaknei pakhat in a la ngik ta mai a. LALPA Thagau in a hun thuam ah, pawsal hattak in kelno a puaitel gual mai in, a khutngawn in sakeibaknei chu a puaitel ta mai ahi. Himaleh, a thilbawl chu a nu hileh, a pa hileh

bangma a hil puai.” (Vaihawmte 14:5,6)

Tulai ahin chu galvan thupi taktak aum ta, ahin Samson hun lai a, galvan meithal um nailo ahiziakin, gamlak a lau umpen leh hatpen chu Sakeibaknei ahi ding ahi. Ahin, mizosia'n a laupen uh, sakeibaknei in a hung ngik phatin, I Bible in bang a gen em, “LALPA Thagau in a hun thuam a” ati ahi, zia chu ahi Samson thahatna thuguk chu. “LALPA Thagau” chu gingtu ginum te hatna thuguk chu ahi. Samson hun lai apat leh, tuhin le ahizing ahi. Pawsal thahat takin kelno a puaitel gualin, Samson inle sakeibaknei chu

wmna khanggui apat hung piang maleh, Israel Pathian abel a, gingtu ginumtak, Israel mi tamtakin le a phak lou a hung hithei hi, lungthim sukha mama ahi. Pathian lungthim le a sukha ahi, Jesu Khrista pianna khanggui in Ruth hi a pansak mai ahi. Boaz toh Ruth in chapa Obed a hing ua, Obed in Jesse ahing a, Jesse in David a hing ahi. David khanggui chiasuk pekin, Joseph le adik in, a Pa tak chu Pathian ahin, ahi David khanggui Juda nam a mi Mary chapa Jesu Khrista, a hung piang ta ahi.

Thutawpna

Ruth gingtu ginumna I mu a, a pawsal a dinga a tawp chan a aginum a, zia zaw a chun, a pawsal sep ding a nu etkol ding ahi, zia chu Ruth in ginum takin a pawsal sik in a enkol ta ahi. Chun, a pawsal Pathian chu Israel Pathian ala hikha khel khel a, a ginumna te a muchian a, a choihoi ahi. Tichun, I Lalpau Jesu pianna khang-

gui a Ruth chu pansakin a um ta ahi. Gingtu ginum, nangle kei le, ginumtaka Ruth gual a I Lalpa Jesu a dinga, I um ahichun, Pathian kipakna kihiding ahi.

---o0o---

2. Pathian Thu hi Thuneina (Authority) kipatna nak ahi.

Gingtu ginum in Pathian thu in a phallou khel lama ziltina ala ngailo ahi. Eite chu, dan leh dun I pawlpi in a siam bang, he sasa a, avel avel a pal kek sekte akihi ahi. Pathian thu hi a tawpna ahi ding ahi. Pathian thu in a diklou atileh a diklou a pom mai a phapen ahi.

Gingtu khenkhat Pathian thu huntawk salou, khutlam en-te (astrologer) bang tak-sang a va zuan sek bang a um ahi. Doi le Ai a khawvel thiampute toh kithua, gingtu ginum ahi thei ngailou ahi. Khenkhat vang chun hitihin a gen ui, “damlou te'n le doctor a zuan ua, Pathian kianga le a pauchap thou u leh; Doi le Ai a thiampute le khawvel doctor gual ahithou ui, Pathian kianga pauchapna toh iki etsak leh, a khokna aum puai” ti in akithiam chansak sek uh ahi. Ahinla, hetding khat chu, thiamna a zil a doctor hung hite leh Doi mangcha thiampu doctor te akibang lou ahi. Akhat zok doctor a ki etsak te chu, Pathian kianga pauchap a thiang ahi. Ahin,

Doi leh Ai thiampu te ki etsak a, Pathian kianga pauchap a chia kop theilou ahi. I bible inle hitihin a gen ahi, **“A Pawlam in Uichate, dawthiamte, thanghuaite, tualthatte, milim hote, leh zuau thu daw leh, zuau thugen chingte um in au.” (Thupuan 22:15)**

3. Mihing a kinga lou a, Pathian thahatna kinga.

“Himaleh, ama'n ka kiangin, ‘Ka hepina nang a di'n a hun hi, ka thilhitheina hi hatlona sukbukim ah um sek ahi,’ ati'n. Ziaziakchun, Khrista thilhitheina chu ka chung ah a um theina dingin, kipak takin ka hatlona hi suang zaw ta'ng ka.” (2Korinth 12:9).

Sawlchak Paula chu, Thagau lama sangtak mizosia chan theilo, van thumna tianga laktou in a um ahi. Paradise a laktou in a um ahi. Mihing genthianlote, thu a gendaw ngailo te ava mu ahi. Tigual a Thagau lama sangtak tung tou pa chu, a taksa a ling (thorn), Pathianin a um ding a phal piak ahi. Zia ling chu bang pen ei diam chu hetchian ahipua, khenkhat in a khomutheina buai ahi atiu a, a

bang chu hileh, taksa sukhat-lona, sunoppak etsakna 'ling' satan apat le a kiti ahi.

Suapi dawitak, gingtu ginum hitheina dinga hin Pathianin gingtu a taksan te, thagau lama a siam piting nuamte 'ling' a taksa um a phal ahi. Pathianin Paula chu a muda zia a 'ling' chu a taksa a um ding a phal ahipua, ama mihing thahatna kinga lou a, Pathian thahatna kinga zinga, a hepina zal a kinga zing thei ding a doi ahi. Thumvei hial guntaka pauchap a adawt nungin, a dawnhuna chu, "Ka hepina hi hatlona suk-bukim ahi" ati ahi. Nang leh kei le Jesu Khrista a um, Pathian hepina a iki nga zing ding ahi.

Thutawpna

Gingtu ginum hetchian theina dinga thil pathumte thi-anthona hinkhua ate, Pathian thu thuneina nak ahina ate, zung kiphudet in leh, mihinga kinga lou a Pathian thahatna a kinga zing thei ding in pan la hitiu. Tichun, gingtu ginum ihi na mite'n hun muchian intin uh, Pathian chawihoi a um ding ahi.

---o0o---

leh, kilekit ngal jiang le um ahi. Ahin Ruth in, ahin kua'n gingtu ginumna diktak chu a sulang ahi. A talpinu enkol ding in a pangchak kei a, a pawsal toh akitepna gual un, thina longal in ei khen kihen ati ahi. Zia atina ahin, a pawsal leh a talpinu a ding bep a ginum ahipua, Israel Pathian a dinga le gingtu ginum diktak chu ala hi ta ahi. Zia a pawsal Pathian, Naomi Pathian chu a bela, a bel khial puai. A gingtu ginumna chu khang sawm, khang ja het ding in bible a chuang ding in a um ta mai ahi.

Ahin Ruth in a pawsal thi ta jiang maleh, a Talpinu Naomi leh Israel Pathian a ginna zia kin, bang tuak jiang leu le, thina loungal Naomi toh kikhen louding ti in, Naomi a bel ahi.

ii). Juda gam a tung ua le, pawsal tamtakin Ruth chu a ji ding ua hoi asa thei uh ahi. Ahin, Ruth in Naomi in a kokmu Boaz akichenpi ahi. Naomi chung a kitepna a subuting ahi. Tichun, a talpinu lungthim a sukupak ahi. Tulai ahin zia gual a kituklutna vang mama ta ding in ging chat a um ahi.

2. Ruth in gingtu ginumna ziaka a thilpha bawl te.

Ruth in a pawsal thisa, a talpinu Naomi leh Israel Pathian a dinga a ginumna ziaka a thilpha bawlte en hitiu:

i). A mou chanpi Orpah gual a, a pawsal uh thigel ta chu ti-henla, a inlam un kilekit leu, pawsal dang le kituptaka neithe intin, bangma buaina umlou zo ding dan chu ahi.

3. Ruth ginumna Pathianin a choihoi ahi.

Ruth pianna khanggui chu Moab apat ahi. Moab te hung kipatna chu; Sodom leh Gomora halthiang ahi a, tanglama a zammang nau a, Lot leh a chanu pani te umkhawmna a pat chisuan hung piang chu Moab te kipatna ahi. Zia apat chu Ruth le hung piang ahi. Ruth nam thi-anglou, pa toh chanu umkha-

LESSON-24: RUTH HINKHUA GINGTU GINUMNA

Thupatna

Ruth hinkhua hi l et ahichun, a ginumna hi etton tak a ting ahi. Amahi Moab mi ahia, Naomi mou nu ahi. Juda gama kial a tun ziaka, Naomi le a inkuante, Moab gam in suachat theina ding hawlin a hung uh ahi. Naomi chapa tegel in Moab mi zi'n a nei gel ua, ziate chu Ruth leh Orpah ahiu. Moab gama chun a chapa tegel ahung thikit ua. Naomi'n a mo tegel chu a inlam gel ua chiakit dingin a sawl ahi. Ahin Ruth in a pawsal nu Naomi a bel teitei ahi. Ruth ginumna hi ahi l etton ding ua doi um chu.

1. Ruth ginumna

“Ahi'n Ruth in: Nang nusia dingin ei sawl kin la, nangma zui talo ding ah, chia kit dinginle ei sawl diak kin! La chia chiana chia'ng ka tin, la giak giakna giak ing ka tin, la mite chu ka mite hi'n tin uh, chuleh, la Pathian chu ka Pathian hi hen. La thi thi na'n thi'ng ka tin, zia chun kivui ing ka. Thi'na lo'ngal in nangma tawh ei khen chun, LALPA'n a nop nop ei law mai zaw hen! ati chak kei tai. Naomi in ama zui ding ah pangchak ahi tai ti a het phat in bangma a genbe ta puai.” (Ruth 1:16-18)

Ruth hi Jentel mi ahin,

milim Pathian a biak uh ala hi. Naomi chapa toh a hung kicheng ua, Israel Pathian a hung bel ta'n, gingtu a hung hi tai. A pawsal in thisan maleh, a talpinu a tawp chan a zui dingin leh, enkol dingin a pang chak kei ta ahi. A pawsal a lungsiat a, a pawsal dam nalai le, anu a etkol ding ahi. Ruth in a pawsal a lungsiatna a thi nung inle a sulang nalai ahi, a talpinu enkol dinga akipumpiak na ahin. Tulai a numei pawsal nei tamtak, a pawsal beima ale lungsiat zolou a kile tamtak um, khenkhat a pawsal a bei

LESSON-9 GINGTU GINUMNA SUKHAT THEI DING DAN-I

Thupatna

Gingtu khat le khat kal a ginumna sukhat theina dinga, thil bawl ding leh panlak ding dan chuam chuam a um ahi. Ahin a tangpi Nupa'n kal a ginumna sukhatna dinga, pawsal leh numei mawpuakna a um gel ahi. Ziate chu en hitiu:-

1. Nupa'n kichengte a dinga ginumna sukhat thei nading a, decision lakkhawm ding.

Nupa'n chu mi pani himaleh pumkhat, Bible in pani ahita puau in, pa khat a hung hitau ati ahi. Ziakiachun, pawsal in a nu le pa nusia intin, a zi a tuk ding ahi ati ahi. Nupan kal hiselzel theina dinga chun, a khatna in, decision lakphat leh lakkhawm a phai. Khat ngaidan chou hilo a, nupa'n kal a gen min phot a bang dinmun hiziang leh le, azo decision lakkhawm ding ahi. Nupa'n tamtak a insung ua pawsal in bangkim, thil zosia a changa a sai vek jiang, a zi'n bangma hephalo a tam ahi. A dang kit chula, genkhawm maleu, numei insung nu thu thu hiziang, a eng le a san atileh

hiziang, figual insung le um kit ahi. Nupa'n damna ding leh, Khristian insung piting zokna dinga chun, lungthim a dam gel a, kihetthiamsak tua a, Nupa'n in kithugual taka decision a lakkhawm ahi chun, a pha ding ahi.

2. Chate etkawlina a nupa'n kal ginumna sukhat thei ding dan.

Chate etkol dan ale Nupa'n kal buaithei ahi. Chate ziltina kong a le, a pa'n chate a phatlona a ziltin leh, a nu zok chate lama pang ziang. Nu'n chate a ziltin leh, Pa'n a la za da. Tigual insung chu chate lungsunga chi phalo tulut bailam mama ahi. Chate'n nu le pa kituak louna chu hezing intiu in, zia gual chu amau inle, a

hung piting phat ule, a insung ua hung ching ding uh ahi. Nupa'n kal a ngaidan kibatlouna um thei tamtak um ahi, mihing robot/machine kihilou ahiz-iakin ahi. Ahin, chate zilgaina leh chate toh kal a nupa'n chu ki support tua leh kipumkhatna hinkhua a lat zing angai ahi. Nupa'n kipumkhatna chu Pathian thu toh kituaka kipumkhat ding ahi. Kochuam dan zop a kipumkhat ding ahi. Government lama le dan zom a, legal taka kipumkhat tup ding ahi. Diklou taka kipumkhat lou ding ahi. Hinkhaw dik leh etton tak a kipumkhat ding ahi. Tichun, cha le nau te'n le hung hechian in tiu in, a hinkhuau siamphat a um ding ahi. Nupa'n Khristian inkuan ettontak tak chu hung kihi ding ahi.

3. Nupa'n kal a sum le pai chung chang a ginumna sukhatna ding.

Nupa'n kal tamtak buaina chu 'sum le pai' chung chang hi ahi. Sapkang te tui-pi gal lama te le tamtak te a buai nau chu ahi. Eu lama

hi chu pawsal hi sum lawdok ahi sek ahi. Ama'n bangkim a mawpuakna a lak ahisek ahi. Khawvel hung kitheng zelin, tuhin a numeizaw insung 'sum le pai' hawltu leh mutu tamtak a hung um tai. Insunga 'sum le pai' mu dan, etkoldan a hung kitheng ta ahi. Khat insunga 'sum le pai' mudan leh matdan, etkol dan leh mopuak dan chuam chiat ahi ta, va holim khial ziaka khat natna ding gendaw khak a bailam mama ta ahi. Ziakachun, a kuazawk chu 'sum le pai' hawltu leh mawpuatu hiziang leh le, a theilai sia chu, 'sum le pai' mu na leh chia na insunga mulet thei (transparent) hileh dampen ding ahi. Ei lak chu Pa sum mutu, zu le sa kihel a tam mama a, sum lamkai zi te hetsaklou kei le a um a. Numei 'sum le pai' a mopuakna bangkim a tu zing le um ahina ahin, a mau bawl dan gel chu amau insunga dinga phapen le hin tin. Ahin, tulai khangthak te'n a thak taka pan la a, Nupa'n decision la khawm, chate anga kipumkhattak a um, sum le pai ale kihetua leh kilungtuak taka

lung a tung zo ta puai. Pathian apat petmang dingin a mu ta'n, veina takin a um ahi. Joshua'n le mipite a tilkhau a, Pathian hemil lou a, a thupiak te a zop zing thei ding uh a doisak mama ahi. Ginna lama le mipi te a petmang dingin a lau a, ziaziaakchun, Joshua'n Israel mipite zosia, chouna a bawl ahi. LALPA a dinga pang nuam lou ahiu leh kichian taka, apang na ding lam tel uh hen la; Pathian nasem nuam te leh, Pathian lama pang nuam te'n kichian taka a hinu sudet ding in ati ahi. Joshua'n, "Kei leh ka inkuan te'n vang LALPA na ahi kasep dingin uh" ati ahi. Joshua'n ziaguala pan a hung lak-na chung a Israel mipi tamtak, Pathian lama a lung uh a hung hei kit uh ahi.

3. Joshua'n LALPA a hepina a thupiak zom in a sulang ahi, a hinkhua pumpi in.

Joshua hotu a hung pang dingin le Mosi'n a tilkhau a, Mosi a umlou nungin le Pathian in avel avel in a tilkhau a, "**Hattak leh hangsan takin um in,**" ti in. (Joshua 1) Tilkhau a aum gualin Pathian bep a hepi a, Pathian ang bep in akingai-

tawm ahi. Ahinkhua hotu ahina, I et ahichun, Akan in 'sana leh dangka' ala selguk a, Ai khua a lel thu tilou chu, Joshua hinkhua tawp chan in gingtu ginum, Pathian lunglam takin hinkhua amang tum ahi. Joshua hinkhua hin, I Lalpa Jesu Khrista hinkhua le a etsak ahi. Gal zou leh zoupek in a tawp chan in, zawna a chang ahi. Suapite, Joshua gualin, a tawp chan a, Jesu a dinga gingtu ginum hi dingin pan la hitiu.

Thutawpna.

Suapite, Joshua hinkhua apat, Pathian anga kingaitawmna leh thuawina zil ding a poimaw dan I he tau ahi. Chun, Joshua'n LALPA nasepna a gel poimawpen ahi. Israel mipi tamtak, Pathian hephalou a um ta maleh, Joshua'n, "kei le ka Inkuante'n LALPA na chou ahi ka sep diu" ati ahi. Chuleh, Joshua'n a thu mai in Pathian kahepi hi atipua, LALPA thupiakte a zom bukim in Pathian a hepina a sulang ahi. Gingtu ginum, thu mai hilou a, Pathian thupiak te zom dingin, thuawina a Jesu I hepina sulang dingin pang zel hitiu.

LESSON-23: JOSHUA HINKHUA GINGTU GINUMNA

Thupatna

Joshua hinkhua hin gingtu ginum etton tak ahina muthei in a um ahi. Gingtu khat hina a Joshua'n thupiak zop a poimaw dan a hechian ahi. Thupiak zop le zop lou a, a hinna akinga ahi tile a hethei ahi. Pathian bep a khatna a koi a hinkhua mang ahi. Gingtute'n le a hinkhua etton thei ding khat leh ni, en hitiu.

1. Joshua'n Pathian anga kingaitawm a, a thupiak ngaithak dan a zil masapen ahi.

"Khatvei chu Jeriko khawpi kiang ah Joshua a dak to lai in, mi pakhat, a khut ah chemjam lamsa, a ang ah ding a mu ta mai ah. Joshua'n a zuan ah, a kiangin, 'ka lam ua pang la hem, ka melmateu lama pang? ti'n a dong a. Ama chun, 'kuama lama ka pang puai; ahi'n, LALPA sepaite lamkai dinga hung kahi, ti'n a hun dawnhu ta'n. Tichun, Joshua'n a mai a leitual si'n bokkhup in, chibai a buk ah, a kiangin, 'He pu, la suakpa hin bang bawl leng lei ti em? ti'n a dong a.'" (Joshua 5:13,14)

Joshua'n hotu hina a lakpat a, a gal sat masaknapen ding, Jeriko kulpi dettak chu, a lu di kuan in, Pathian apat a

zil chu, 'kingaitawmna' ahi. Kingaitawm taka leitual si hial a bokkhup in Pathian anga, a um a. La suak pa kahi, LALPA bang bawl ding lei ti em? ti'n a dong ahi. Thupiak a dawn dungjui in, Joshua'n thupiak a zom ahi.

2. Joshua'n LALPA nasep hi a poimaw pen in a gel ahi.

"Tuhin LALPA nasep ding chu nuam lou la hiu leh, tu'ni mama hin kuapen na sem ding la hiu em, la pu la pateu in Luipi gal lam ah Pathiante na ala sep piak uh kha ahi em, ahiloleh, la luanau gam ah Amorte pathiante a hizaw diam, ti tel ngal un. Kei leh ka Inkuante'n vang LALPA na bep sem ing kau, ti'n a dawn hu a." (Joshua 24:14,15)

Joshua le a upa ta'n, ahinla gam lakding liantak leh tamtak a um nalai a. Israel mipite khosakdan a et ahileh, a

kipumkhat dinga, kisakholsa pan la dingin i ki doisak ahi.

Thutawpna

Nupa'n decision lakhawm, chate anga kipumkhat, sum le pai ale kithutuak leh kilunggual, kipumkhat tak a um ding ti hi, pi le pu te, nu le pa te hun a thil hitheilo le hintin, kitheng dinga le a ngaina um-

lou le hina. Ahin khang ahung kitheng gualin, khangthak te'n tunung Khristian insung khosakna a nupan kal a le ginumzok diak na ding leh insung phatzokna dinga, pan la in a su piting theiding in kisai tiu.

---o0o---

LESSON-10: GINGTU NUPA'N KAL A GINUMNA SUKHAT THEI DING DAN-II

Thupatna

Nupa'n kal hi Pathian in ki-etkol na dan Eden huan a asiam masakpen ahi mihing te a dingin. Ziakachun, I society si-amphatna dingin le Nupa'n kichenna kochuam dan thiang in pan thak dingin, khangthakte iki chial uh ahi. Chun, nupa'n hinkhua a insung bang gual a I siam em tih a pawimo mama ahi.

1. Nupa'n kala thubuai la buai kihethiam lona a pan lakding dan.

Mihing 'lei le ha' bon kipep liam kha thei ahileh, nupa'n kal le kinial, kina keilou tichu a umtheilo ding ahi damsungin. Ziaphat chuleh, bang gualin I buaina chu I siampha diam, ti a panlak a poimaw ahi. Amasapen in nupa'n tegel in kuma dang hetloua private taka a thubuai uh a sukdam, sukfel guat ding uh ahi. Zia chu le hepina neitak leh za na sulang pum a, bawl ding ahi.

Ei laka khenkhat te chu, kinial kina, insungmite hetbep hilo, insak inthangte het tei ding ti gual a kina bang um sek ahi. Ziagual kha ching I um naklai inle, haisan thei dingin pan lai tiu in, khangthak te'n vang I kizilti gual un, ki buaina te,

hepina leh za na sulang pum a, buaina te sukveng ding ahi.

2. Nupa'n kal a ginumna sukhata theina dinga kihotua ding dan khenkhat.

Pawsal in zi, numei in pawsal I ki hou phat leh a phalam, zi'n le pawsal te phatna leh hatna te, pakchat theina mimal a anei teu haw, ki pakcha tua leh a hoilam ngen a holim I bawl ding ahi. Sapte haw vangin a zi teu kuaizu(honey) tibang in a kou sek uh ahi.

Ei mi lak a zi leh pawsal kihou dan te chindan hoilou taktak um atam a, ahin aki lungsiatnau chu a det mama thou ahi. Ahin, paukam moi leh hoi mat guat ding ahi. Eimi nupikhat in a pa'u chu, "Ui chal" ti in a hou ahi, a chutileh ama le azi ahiziakin "Ui pi" kahi atina ahi. Mi'n 'Ui pi nu' tile ut kit lou

gama puitung ding ahia, zia chu Mosi'n a gel poimaw ahi.

Ziaziakchun, Pathianin mipakhat in a lawipa aki holimpi gualin, Mosi chu a holimpi sek ahi. Suapite, en bangtia Pathian hopina hethei sek lou I hui em? Pathian lunglam, Pathian in gingtu khat I hina ah, mopuakna ei piak te, gel poimaw zoulou a I um seka ahi. Eima mimal doidan a chia I guat sek ziakin, Pathian houpin a I hethei sek lou ahi. Gingtu ginum in Mosi gualin, Pathian lunglam I gel poimaw pen ding ahi. Mawpuakna ei piak te, enkol dinga ei ngansia te, van Kanaan chu puitung dingin, a pakhatna in koi zing le hin, Pathian 'aw nem' chu chiantaka hezing thei ding ihi.

Thutawpna

Mosi nungchang guala gensiat leh soisel a umlai a le, thip hiat hiat a um dan te I en tau a. Chun, Mosi Kanaan gam lut thei talou ding himaleh, a nungjute a luthei ua, amau a buailou ua, a khosak theina ding ua, tilkhau leh zilti in, doisak takin a pang dan te, I zil tau ahi. Chun, Pathian lunglam a mawpuakna Israelte Kanaan gam ah a lutdiu, a gel poimaw pen ziakin, Pathian lungsiatna 'aw nem' chiantakin a hethei ahi. Gingtu ginum in Pathian lunglam sukkhak ding I gel poimaw pen ding ahi.

---o0o---

2. Mosi'n Kanaan gam lut-lou ding ahi kihetamaleh, a lutding khangthakte Pathian doidan leh lunglam phatak in a ziltil ahi.

"...LALPA'n le, zia Jordan lui hi gal kai lo ding la hi; ti le ei hil ta'n. LALPA la Pathian un hun pui gal kai intin; zia namte hi la ma-ang un hun hi mangthai piak intin; nang un amau chu la suandaw ding uh ahi. LALPA'n a tiam dungjui in, Joshua'n hun pui gal kai ding ahi." (Dan lekhabu 31:2,3)

Mosi'n Pathian tepna Kanaan gam lua lou ding ahi akihe ta'n. Lungthim na mama lehle, a nungjui Joshua leh Israel mite theitop in a tilkhau a, Pathian lunglam gual a aum ua, Kanaan gam alut ua, phatak a akhawsak theina ding uh, a gel poimo piak ahi. Nu le pa'n chate a khotua gualin a khotua ahi.

Tulai ei gam a MLA, Minister's te, Chief Minister te, khat in a hung suandaw ding bang, a ut po thei mamau ahi. Ama puak zaw, vaipaw dingte chu melma gual bangin a koi mai uh ahi. Mosi'n le tigual chu gel henla, kei Kanaan gam

kalut lou leh, Israelte le lut da heu ti in, pan la leh, buaizak jiang di ahiu. Mosi'n tigual lungthim chu a ngaitua pua'n, ahin phatak ah alut ua, Kanaan gama Pathian lunglam ah akhawsak theina ding uh leh, malsawmna a chan theina ding uh a gel zaw ahi. Gingtu ginum in Mosi lungput gual hi put ding ahi.

3. Pathian lunglam a pakhatna koi te'n, Pathian aw chiantakin a hethei sek uh ahi.

"Chutichun, mi pakhat in a lawipa a kihopi gual mai in LALPA'n Mosi chu kimaitua in a kihopi a." (Pawtdawna thu 33:11)

Mosi'n a gel pawimaw pen chu Pathian lunglam suk-khak ding hi ahipen ahi. Pathianin mopuakna a piak, ami Israelte Kanaan gama puitung ding chu ahi. Zia chu sukbuting ahiphot leh ama mangthai di hilehle khok salou in a pang ngam ahi. Ama nopsakna ding leh ama mimal khankhua ding a gel pua, Pathian a ding leh a thupiak zop ding a gel poimaw pen ahi. Pathian in akitepna ami Israelte Kanaan

ding ahi. Zia gual deu achun, paukam mai ale siamphat ding aum ahi.

Paukam pha, malzawlna paukam te mang lehin mite a dinga damna, lungawina, a phalama hetzingna aki chang ding ahi. Numei phatak leh aw nem tak chun, a pawsal lungna le a sulungdam ziang thei ahi. Ziakachun, nupa'n ginumna hatzawkdikna dingin, paukam a thupha, siamphatna paukam, a phalam paukam, kipakchatna paukam te l mang ding ahi.

3. Nupa'n kal a ginumna sukhat na ding a panlak ding dan te.

Nupa'n hinkhua mang pat ni apat, mani sanga zi leh pawsal a ding gel poimaw zokna, a um zing ding ahi. Zia kigel poimaw na a taksap ahichun, ginumna apat pet-mang na, ki muang mo na te a hung piang thei ahi. Ziakachun, nupa'n hinkhua hi hepina nasep toh thua ahi. Damsunga na kiseppiaktua leh kipanpitua dinga Pathian in a guat ahizak le ahi.

Nupa'n chu khat hatlona te, kikoktua ding leh kimusit-

tua ding ahipuai. Hatlona te liakhuding leh kipanpitua ding ahizawi. Mihing hatlona neichi-at akihina chung a hin, nupa'n chu kiveng tua ding le ahi. Chun, bangtik laia le Pathian anga la kitepnau, la geldaw zing ding uh ahi. Zia la kichennau a la kitepnau subuai thei leh suse thei te lak a chun, la kiveng tauu a, pan lalak khawm ding uh tina ahi.

A tawppen a chun, Pathian panpina leh thahatna suang a, ginum zaw diak dingin pan lak ding ahi. Pathian leh mite anga nupa'n ginum hithei dingin, Nupa'n zi leh pawsal nei zosia, khanglai zosia Pathianin malsawm ta hen.

Thutawpna

Nupa'n kal a ginumna sukhat theina dinga l gen teu, thubuai la buaite, nupa'n kal a holim ding dan, kihoutuana te, leh pan lakding dan te apat in i enkhawm tau a. Nupa'n kal a tusanga phazaw, hoizaw leh detzaw a, ginumna'n l kochuam sunga hung um taken. Chun khangthak te'n le gel poimawa pan alak theina ding un, Pathian in malsawm ta hen.

LESSON-11: GINGTU GINUMNA BANGLAM KONG ALE GINUM DING AHI

Thupatna

Gingtu hinkhua ginumna hi a pawimo mama ahi, bangki-ma a lian aneu tilo a, ginum mai angai ahi. I Lalpa Jesu ngei inle hitin a gen ahi. **“Kuale tawmcha chung ah ginum chu, tamtak chung ah le a ginum hi; kuale tawmcha chung ah ginumlo chu, tamtak chung inle a ginum ngai puai.”** (Luke 16:10)

Thil neucha chung a diktatlo chu, thil liantak chung a le a diktatlo ding tina ahi.

Bangkong a ginum ding himaleh, ei lak ngei a gingtute ginum ding dan leh kihiatdaw theina dingin, neukhat vak enkhawm hitiu.

1. Thuak mualsua dinga ginumna.

I Korinth 13 na chun, “Hepina’n a thuak ham ham a,” chun “hepina’n a thuak mualsua sek hi” ati ahi. I Lalpa Jesu ngei inle kross a ahung thuak a, thi tiangin, chun zawna a chang ahi. Tichun, gingtute’n hukdam-na aki chang thei ta ahi. Sua-pite, I Lalpa Jesu I ginna hi, tu khawvel a ding bep ahipua, kumtuang a ding ahi. Ama’n le a tawp chan a hung thuak mualsua a, thitianga a hung kipiak gual in. Suapite, a hinna thisan a ei tatdawna chu I ging zou ding ahi. Chun, ama adin-

ga ei le, a tawp chan a thuak mualsua a, ama a dinga hing zing in um hitiu. Kalvery Kross a anasep zo sa ahin, tu le kumtuang a dingin iki nga ding ahi. Zia ginna chu I thasuak lou ding ahi.

2. Committee na a ginum ding.

I Kochuam kivaipuak-na, I kuang tolma hi Committee ahi. Committee hi gel poimaw mama ngai ahi. Committee khenkhat te: Pa te, nu te, khan-glaite. Central, District leh unit (Local) tin te ahiu.

LESSON-22: MOSI HINKHUA GINGTU GINUMNA- IV

Thupatna

Mosi hotu ahina a atit dan te, khat le ni en ding I hiu. Hotu khat chu mipi nautang te gen zosia mok zui jiang ding ahipua. Thu le la, Pathian in mopuakna ei piakna toh entuak a, a poimaw leh a poimaw beklou te, thu khen zel dan a poimaw ahi. Mosi lungput dan leh, thubuai labuai te bang gualin a sai fel em ti en hitiu.

1. Aaron leh Miriam in Mosi hotu ahina a paukam phalo suadok, leh Mosi nungchang phatdan.

“Chun, Hazeroth mun ah a um lai un, Miriam tawh Aaron in Mosi’n kush numei ‘ji’ a nei ziakin a gensia tau a. Ziagual hin a gen tau a: “LALPA chun Mosi kiang bep ah maw thu a gen? LALPA’n bang ding ah ei uh kiang ah le thu gen lo a hem? atiu a. LALPA’n zia chu ala he ta’n.” (Kisimna lekhabu 12:1,2)

Zia hin Aaron leh Miriam hin namdang mi Mosi’n ji ah anei ziak a, Mosi hotu hina a chou uh ahi. Amau tegel le hotu hithou ahiu. Insung lam chanchin chu insung lam ma in thubuai sai ding ahi. Pathian thu akimatchakna lam tiang

tiang, va kat saklou ding dan chu ahia. Hotu a tel pa, a ut lou san san a, midang sawl mai in ati leh le, jawl tei tei pa Pathian chun, a thuak thei lou ahi. Aaron toh Miriam in, thuhilna leh thununna a tuak uh ahi. Pathian lungnatna’n Aaron a kang a, Miriam ahileh ni sagi sung phak in a um ahi.

Ahinla, I gen ut pen uh chu, Mosi nungchang hi ahi. Hotu ahina chungchang a gensiat a aum lai in, thuk kit lou in, thip bekin a um ahi. Zia ban a chun, Miriam a dingin, a damna dingin, a pauchap piak kit nalai ahi. Ziagual nungchang, Khrista nungchang gual chu ahi, zia gual lungput hi gingtu ginum te’n I neichiat ding uh ahi.

mite, a suk mangthai louna dingin pan ala ahi. Chun, Pathian toh Israelte kal a palai ginum ahidan a sulang bok ahi. Chun, Pathianin a mite a ngaidam theilo hial leh le, van a amin kiziak le nuaimang a um mai hen, tia a pang ziaikin, Pathian lung a sudam zou ahi.

Suapite, gingtu ginum Mosi gualin, I hinkhua chiat un, Pathian chung leh I mihing chanpi te toh kal ale, ginumna sulang zing dingin pan lai tiu.

---o0o---

Committee na hatlouna um te:-

i) Attendance: Buaina talua umlo a le committee pang ngai mong mong lou, buaina leh sepding thildang te, paulap leh siamkawm bang mi umsek ahi. Committee hi I kochuam kuang tolna ah apoimawpen khat ahiziakin, Khrista leh a kochuam a dinga, I gel poimaw mama ding ahi. A thei laisia, attendance iva pang zing kha, a poimaw ahi ti I geldok ding ahi.

ii) Mani a gual a koilouna: Committee hi mani a guala gellou leh koilou aki tam mama in ka mui. Pathian ah ahi, pawlpi a ahi ti chu, adik ahi. Ahin a grep huan a nasem ihi ziaik un, Kochuamte, member zosia, mani a I gel poimaw gual uh, a kimkhat bek lungthim leh titakna pe leu hin le, tusanga ki khangtou zaw ding ahi. Ahin Lalpa'n vang eima a gual a gel a titakzet a pang dingin, Abel thilpiak guala, a phapen, a hoipen ama pe dingin Committee na

ahin ei doi ahi.

iii) Jesu a pakhatna a koi a Committee a chia kitamlou ahi dia aw: Committee na a thu le la tamtak bang aum sek, ahin bang gual agenda I genkhawm in le, Jesu'n jia agenda genkhawmna pang leh bang gual lungthim a pu diam ti gel a, committee I pang sek ding ahi. Pathianin eima mimal thuak hetna ei piak I mat chak phatak ahina chungin, a siampa lung gel bang gual eidia aw ti ngaichang puma, I matchak ahichun, committee loting ding ahi. Ahin Committee na Jesu pakhatna koi a chia kitamlou eidia aw katisek ahi ka lungthim in.

Committee a I hatnau khenkhat te:

i) Piangthak leh Khrista leh Kochuam a dinga kipezou tak te. Kochaum a tia I chia thei liai liai nau hi, a hatlou tamtak aki um lai in, Khrista a piangthak leh ginum, kipezou takte Kochuam sungin a um

ahi. Ziate haw ziaka chun Pate, Nu te, Khanglaite Lalpa'n a Kochuam leh a bak zam department te a gel poimaw a, masawn zel in pawlpi l chia zel uh ahi.

ii) Ginumtaka Kochuam te'n sum le pai a phungvuk na zal le ahi.

Kochuam sunga aneupen apat alianpen tianga, Khrista a dinga kiphalna ziakin, sum le pai te, thawlom te, bufaitham te, veilam ham anchangte, leh a dang dang te haw a phungvuk a um in, Pathian Kochuam hi a ding zing ahi. Chun, a tamzo te, Pathian chantum, sawm a khat bang piak lou khak ding lau in, theitop sua a akin theipen a pe zing um ahi. Ziate chun, Pathian malsawmna chang ngei ngei ding te chu ahiu ahi. Pathian a lungawi leh, pe tute leh Kochuam malsawmin aum sek ahi. Sawmakhat piak tei tei ding ahidan pom thiam nailo lahi chun, lungsiat umtak, Pathian thu hechianlou, el bai gual

hinalai lahi ti hezing in. Kochuam te'n Pathian biakding bangtak a abiak ua, kiphaltaka aki piak nau zalin, Kochuam phungvuk a um sek ahi.

Committee chu sum umlou a hitheilo ahi. Agenda leh resolutions thu kipass te, sum umlo a bawzuitheilo ding a tamzo ahi. Kochuam te sum le pai, phungvukna ziakin Committee te le a sem hat thei ahi.

iii) Thagau leh taksa lama piting leh ching l lak ua um te.

Kochuam kuang tol hi, a sunga mi ma ziakin, suksiat leh buaisiat ziang thei in aum sek a. Ziagual ma chun a sunga Thagau leh taksa piting leh ching te haw mangcha'n humhim in aum kit sek ahi. Ziakachun, Kochuamte'n kivaihawmna khompi hitaleh, standing hitahe, Committee zosia a dinga le l pauchapnau in tamveipi l he sek ding uh ahi.

3. Sum leh pai a ginumna.

Gingtu khat 'sum le pai'

hei zou ahi. Gingtu ginum chu Pathian toh kiloichan phapen hiding guat ding ahi.

2. Mosi chu ami Israelte toh Pathian kala palai ginum tak ahi.

Pathianin Mosi kiangin, "Ka mi Israelte'n sana bongno lim ei hou san tau a, thatchimit maiding kahi, Mosi nang lahi leh vang nam liantakin siam piting ding kahi," ati ahi. Zia laitak ahin, Mosi chu ama mimal phatchuamna ding, lawkna ding leh minphatna ding a ngaitua puai. Pathianin a etkolsak, mopuakna a piak, mipite puitu ahina chu a gel poimaw zo ahi. Ni 40 leh zan 40 anngawl a pauchap ahia, a mi Israelte sumangthai lou dingin, Pathian kiangin a dawn zaw ahi. Zia gual gingtu ginum hi ahi Pathian toh ki loichan thei chu.

3. Mosi'n a Pathian toh ami Israelte kal a palai ginum ahina a tawpkhawk tiangin a sulang ahi.

Mosi ni 40 leh zan 40 anngawl pauchapna nei a aum zing lai in, Pathian ami Israelte chungakhut a thak louna din-

gin a tutang zou ahi. Zia zaw chun ni 40 leh zan 40 dang ma anngawl pauchapna nei dingin Sinai tangin a kal tou kit a. Amasapen in Pathian kiangin a mi Israelte a dingin ngaidam a dawtpiak ahi. Sana bongno lim a houziak un, Pathian in a mite suk mangthai a go mai ahi. Mosi'n Pathian kiangin hitihin a gen ahi, "...*tuhin a gitlonau la ngaidam thei ding leh, ahi theilo ding leh vang la lekhabu ka min la ziksa kha nuaimang kit zaw mai in,*" atia. (Pawdawna thu 32:32)

Mosi'n kumtuang hinna lekhabu amin kiziak hial le nuaimang phal ngam a, ami Israelte ngaidam a chang theina ding uh ahiphot leh, ti'n a pang ahi. A Tawpkhawk tiangin, Pathian in mawpuakna a piak chu a subuting ahi. Gingtu ginum in Pathianin a sawlna te, bangkim chan ngam in thu a zom ding ahi.

Thutawpna.

Mosi ginumna lama Pathian in a insung zosia a tak-sang dan muthei in aum ahi. Israel te'n sana bongno lim a hou ua le, Pathian anga anngawl a pauchapin pan ala, Pathianin a

LESSON-21: MOSI HINKHUA GINGTU GINUMNA- III

Thupatna

Gingtu ginum Mosi hi khang zosia laka hotu lopipen khat ahi le akiti ahi. Pathian in ama mangcha thil lopitak a bawl ahi, khawvel a thil um ngei lou te le, LALPA'n Mosi mangchan a bawl ahi. Mosi gingtu ginum ahidan, Israelte a nuai tela tam mipi puitu ahina apat in vak en hitiu.

1. Sana Bawngno lim leh Mosi gingtu ginum ahina.

Pathian thupiak gualin Mosi chu Sinai tang chungga Thusawmpiak la dingin a chiatou a, ni 40 lam anngawla Pathian toh kiholim a pauchapa a um lai in. Israel te'n mipi lungthima pot gualin, Mosi la tang chungga umsot talua bangti ahem hetalou uh, ziakal a chun sana Bawngnou lim siam in ala hou tau ahi. Pathian a lungna mama ta, Israel mipite thagam jiang a nuam ta mai a. Zia thu Mosi kianga agen lai in, Mosi'n jangai dingin Pathian a thou a, gingtu ginum ahina atak lang ahi. Pathian kiangin hiti'n agen ahi. **"Bangtia a hem Aigupta te chun, 'siatna huaisia tak tuak dingin a puidaw, tang ah te amau that ding leh lei chung zosia ah amau nuaimang**

ding leh kak tumsak vek dingin a puidaw ahi' ati ding un? La lung natna huaisia tak hi daisak inla, la mipite chung ah thil phalo bawl ding la guat chu haisan mai ta'n. Abraham, Isak leh Israel la suakte kiang ah nangma ngei in kihaksial hial ah a kiang ua, 'La suanteu chu van ah aksi jat in hun hipung ing ka tin; chuleh, zia gam, nang uh a ding ah ka pautiamna gam hi la suante kiang ah piang katin; amau in zia gam hi kumtuang in lua ding ahiu,' lati haw kha geldok kit in," atia. Chutichun, LALPA'n a mipite chung ah thil phalo bawl ding a ngaituana kipat chun a lung a hei tai. (Pawtdawna thu 32:12-14)

Gingtu ginum Mosi'n a mite a mangthai mai ding uh phal lou in, Pathian kianga pauchap in, Pathian lungthim a

a ginumlou chu, khawvel mite leh gingtu chanpi te'n le taksan theilo a ei koi ahiu ti l heding ahi. Gingtu khat chu, Pathian leh mite ma a, ginum tak a 'sum le pai' a l um ding ahi. Kochuam 'sum le pai' chung vang ahi chu, chengkhat chungin le l ginum ding ahi. Pathian kianga lat maicham te, anchang ham te, pauchap pum a piaka um ahi, meithai chaga te natiang inle, a nei sun sun teu bang a hung tho ahiu. Zia Pathian sum ahiziakin, l ginumlou ahichun, Pathian in l chungga vaihawm ding ahi.

Thutawpna

Gingtu banglam kong ale ginum ding ihi dan uh thokhatna ate, kochuam committee na ate leh 'sum le pai' ate gin um ding dan l enkhawm ua. Tawmcha chungga ginum chu tamtak chungga le ginum ding ahidan leh; tawmcha chungga ginumlo chu tamtak chungga le ginumlou ding ahi dan te l he tau a. Suapite, Lalpa'n l phaknau kham kham a ginum ding ei tina ahin, l thei zo chan chan a, demna bei a um thei dingin pan lai tiu.

---o0o---

LESSON-12: NOAH HINKHUA GINGTU GINUMNA

Thupatna

Mi khenkhat chu Jesu ka ging hi tingal, ahin a hinkhua Jesu neite umdan bangma muding umlou. Tigual mi l tamtak ziakun, Pathian tak holoute a dinga Khristian a hung lut ding uh chu haksa deudeu jiang a bang ta ahi. Noah hinkhua apat gingtu ginum ihi na bang gual ahi em, en hitiu.

1. Noah Pathian mit a tung ahi.

“Noah chu midik leh ama khang ah mite lak ah demna bei ahi: Noah chu Pathian tawh a kivop zing un.” (Thilsi-am thu 6:9)

Noah Pathian mittung ahiz- iak te:

i. Midik: Noah hi midik ahi tihi bible in agen ahi. Tulai khawvel ahin midik mu ding a vang mama ahi. Noah chu a mihing chanpi tawh akal a, diktatna khosa ahi. Pathian tawh a kal ale midik ahi, aziak chu Pathian thupiak a zom ahi. Hunsawt tak gua zulo, nisa a sat a sa ahi. Ziagual chu himaleh, Pathian in Long tu dinga asawl na

thunung taka a zui ahi.

Lalpa chu a thupiak zomte chung akipak ahi. Samuel kiangin le, kithoina sangin thumatna kadoizoi ati ahi. l pilna, chitna leh thiamna te sanginle, Lalpa'n ama thupiakte zom le hin, l chung akipak zaw ding ahi.

ii. Demna bei: Mihingte kipawngbawl na dim ta maleh, Noah chun Pathian alau a, ama leh a insung entup in, demna bei in a koi ahi. Demna bei hinkhua mangte chungin Pathian akipak ahi. Eite chu, piangthak kiti ahinla demna bei hinkhua mat l nuampua, Piangthak ihi tak ahileh nopnop dan in khosa le hinle, a khokpuai ti le kibang jiang in hinkhua akimang sek

Thutawpna

Gingtu ginumna neilou khawvel ahin a tam ta ngei e. Gingtu ginumna piting tak nei chu Pathian in a mang nuam ahi. Mosi hinkhua gingtu ginum in, sum le pai, sana leh dangka, thuneina te a ngaina lou ahidan l he thei uh ahi. Chuleh, gingtu ginum chu thilmak in a

buai puai, tulai a thilmak bawl thei te mi ngaisang ahisek ui. Chun, gingtu ginum Mosi chu khawvel a kingaitawmpen ahi ti l mu uh ahi. Gingtu ginum pitingtak Mosi gual a hithei dingin Pathianin hun malsawm ta hen.

---o0o---

mei lama tu'n ati gualin, atuk kit leh, amol mama a suak kit ta ahi.

(Pawtdawna thu 4:4)

Thilmak panina:

"LALPA'n a gen nalai a, "La khut chu la puanak chual sung in vak thun lut tiam in," atia. A khut pek chu a puanak chual sungin a vak thun lut ahi, a vak lakdaw kit phat ah chun, vuk gual a vam in a khut chu phak in a tuam suak ta mai a. Ziaphatchun, Pathian in, "La khut chu la puanak chual sung in vak thun lut kit tiam in," atia; tichun, a khut chu a puanak chual sung ah chun a vak thun lut kit ta'n. Chuleh, a vak lakdaw kit phat ah chun a tidangte gual in a thiang kit tai." (Pawtdawna thu 4:6,7)

Zia thilmak te hi Mosi'n a bawl dinga Pathianin a piak himaleh, Mosi'n midang sawl/ mangcha zaw dingin Pathian a dawnhu ahi. Aigupta thiam na zilzo kum 40 ahi a kha, tigual hin sawl le chu kilom tak. Mosi kum 80 ahita, a zi a chate toh, a nekding a nei a, belum ching ding nasep anei ahileh, hunset a ti hita ding ahi. Maleh, Pathianin a training piak a zaw tak-ziakin a mangcha tei tei ahi.

Suapite, nang leh kei le, Pathian in Mosi gualin ei siam piting ut ahi, gingtu ginum taksang thei hiding in.

3. Gingtu ginum Mosi, khawvel a kingaitawmpen ahi.

"Mosi chu, lei chung ah mi zosia lak ah thunuaigol leh nunnempen ahi." (Kisimna lekhabu 12:3)

Zia Bible chang kiziak a hin Mosi chu upat nunglam le hitan tin. Kum 40 ting a, Aigupta thiamna zosia a zilzo a khan, Israelte puitu dinga, ama leh ama, a hung kipandok a, a losam ahi. Kisuang mama leh chapo mama le himaithei ahi. Ahin kum 40 dang ma belum ching a, belum te toh a khosak zo akhan, zia thunuaigolna leh nunnemna hi ahung nei ta ahi. Zia ban a chun ni 40 leh zan 40 anngawl pauchapna Sinai tang chung a ava nei thei te haw ziakin, kingaitawmna a nei ahi. Ama a ding le hilo a, Israel mipite a ding a bawl ahi. Suapite gingtu ginum chu kingaitawmna nun anei ding ahi.

ahi. Ahin, Pathianin gingtu ginum hina dinga, demna bei a hinkhua mat a doi ahi. Pathianin a bible a chun, "demna bei a umte chun kana sem in au" ati ahi. Ati ahileh, Pathian phabukim pa chun, amite le demna bei, phabukim dinga ei doi ahi. Pathianin lametna sangtak ei nei ahi. Ahinla, nang leh kei chu pauplap ding I siam a, khawvel a kium nalai chu demna bei a kium theilo ding tibang I ngaituana ahisek ahi. Pathianin piangthak zosia, I sunga a Thagau Thiangtho panpitu zala demna bei a umtheina a umziaka chu, Pathianin le a chate a la lamet sek hiding ahi.

iii. Pathian toh kivop zing:

Noah in Pathian thu a zop ziakin, ama zalin khawvel a mihing leh ganchate hinna hukdaw thei in a umta ahi. Pathian thu a zop theina chu, Pathian toh akivop zing sek ziak ahi. Nang le kei le, Pathian toh pauchapna leh bible simna a ikivop zing ding ahi. Bible simlou, pauchap lou te

chun, Pathian thu zop haksa asa sek uh ahi. Noah gingtu ginum ahina dinga Pathian toh akivop zing gualin, eile Pathian toh I kivop zing ding ahi.

Thutawpna

Noah hinkhua apat gingtu ginumna dinga chun, Pathian mittung a ngai ahi. Ziaban a chun, demna bei hinkhua angai kit ahi. Chun, gingtu ginum hitheina dingin, Pathian toh kivop zing ding a poimaw ahi.

---o0o---

LESSON-13: ABRAHAM HINKHUA GINGTU GINUMNA- I

Thupatna

Abraham hi gingtu ginum ahi. Ziaban a chun ginna pa sakin le aum ahi. Pathianin Mosi kianga a min aki phuang inle ti hin agen ahi, “Abraham Pathian, Isak Pathian, Jacob Pathian kahi akiti ahi. Chun, ziahi kumtuanga ka min chu ahi ati ahi. Pathian chu Abraham Pathian hiding a zakcha lou ahi.

1. Abraham in Pathian thu a nga mi ahitai (Thilsiam thu 12:1-4).
gel poimaw in a thu a zawm ahi.

Zia lai ah chun, LALPA'n Abram kiangin, **“La khua leh la gam ua kipat leh la chanaute lak ah kipat leh la pa in a kipat hin pawtdawk inla, gam ka hun etsakna ding lam ah chun chia in. Nam lopitakin hun siam ing katin, hun malzawl ing katin, la min hi lian ing ka; tichun, nangma chu malzawl na hi'n la tin; kuale nang hun malzawl tapo chu malzawl ing katin; hansia hun law tapo chu hansia law ing ka; nangma ah namtin malzawl in hung um in au,” atia. Chutichun, Abram chu LALPA'n a hil gual ah chun a chia ta'n, Lot inle a zui ah. Abram chu Haran khua kipat a pawt daw lai a chun kum sawm sagi leh**

Abraham in a chia na ding le helo, Pathianin a mun bek, a khua min bek vak gen masa le kilomtak, “gam ka hun etsakna ding lama chun” ti chou hijiang ahi a gen chu. Abraham hun laia Bible le umlou, Pathian sottak thipbek a aum nungin, Abraham a hun kou kitna hi, mihing te adinga kinepna a hung um kitpatna ahi. Abraham le phunnoi lou in, Pathian a ging a, chun, a thu a zom mai ahi. Ei mihing te hi, mi tamtak pil le ching, hetna ale sangtak l tung tau a. Tulai a Pathian thu, Bible sangin le tamtak chu, he kisazo a um ta ahi. Abraham gual a ahet bep hiloin, Pathian thu piak te l zom ding ahi. Khristian

LESSON-20: MOSI HINKHUA GINGTU GINUMNA- II

Thupatna

Gingtu ginum piting tak chu Pathianin a mang nuam ahi. Mosi le zia gual chu ahi. Gingtu ginum chu siamkom hilo, ama Pathianin a siam bangtakin a hing ahi. Kum 80 ahitan, kum 40 Aigupta thiamna a zil a, kum 40 dang ma belum a ching a, belum te toh khosak khawm dan ava zil a, kum 80 ahita, Thagau lama piting tak ahitak ziakin, Pathianin a mang nuam ta ahi. Pathianin a mat nuam ziate a ban banin en hitiu.

1. Gingtu ginum Mosi in sum le pai, sana le dangka, leh thuneina a ngaina puai. (Hebraite 11:26,27)

Zia bible chang in a gen, “Khrista a musit nau” avak ti hin ka lungthim a khoi na e. Zia hi ahi Mosi'n a go lulpen a akoi chu. Sum le pai, sana leh dangka, thuneina zosia sanga Mosi'n, “Khrista a musit nau” chu pona in go lulpen in a tel zaw ahi. Zia chu ahi gingtu ginum diktak chu.

Mosi'n zia haw zosia hi ngaina henla hileh, a neisa vek hiding ahi. Ama hi Pharaoh chanu chapa ahi, Pharaoh insung a seilian ahi. Sum le pai, sana leh dangka chu, a doi zat zat a umsa ahi. Thuneina le, khawvel lama thuneina sangpen Pharaoh dinmun chu a tung thei ahi. Maleh zia haw zosia chu zamsan in, **“Khrista a musit nau chu Aigupta ah gote sang in hausakna thupi zaw'n a ngai ah, kipakman mu ding chu a thil ziakin. Ginna'n lengpa lungnatna chu lau lo in, Aigupta chu a taisan ah, mutheilo Pathian chu a mu ziakin a thuak ham ham hi.”**

Zia bible chang in a gen, “Khrista a musit nau” avak ti hin ka lungthim a khoi na e. Zia hi ahi Mosi'n a go lulpen a akoi chu. Sum le pai, sana leh dangka, thuneina zosia sanga Mosi'n, “Khrista a musit nau” chu pona in go lulpen in a tel zaw ahi. Zia chu ahi gingtu ginum diktak chu.

2. Gingtu ginum Mosi chu thilmak inle a lungthim a subuai puai.

Pathian in mangcha nuam a thilmak a bawlte a etsak vangin a kilep teitei ahi.

Thilmak pakhatna:

A mol gul a suaksak a, a

mai ta ahi. Buaina aum sin leh, Pathian kianga pauchapin hinkhua a tam theipen a mang ta ahi. Bangkim nisin khosakna, chia dingdan, kipuihuai dingdan leh a dang dang, Pathian a kinga tawp in a um ta ahi. Chun, Pathian toh loichan kiholim gualin, Mosi chu Pathian toh akiholim sek uh ahi. Ziahi, gingtu ginum a dinga a tawpkhok tung ta te chu ahiu ahi.

Thutawpna

Mosi kum 40 ahichan a ahinkhua I en tau a, Aigupta thiamna zosia zilzou a, ama leh

ama le ki muang maleh Israel mipite a hukdawk zoulo ahi. Chun, kum 40 apat kum 80 a tin chan, a sungpa Zethro belam chingin kingaitawmna nun, mani tisa thina nun, Pathianin a zilsak kit ahi. Chun kum 80 ahi in Pathian in a hung mangthei ta ahi. Mosi chu kum 80 chan Pathianin aki ngaksak ahi. Sua-pite, ei le banglama le hak-satna I tuak dan chuam chiat ahina chungin, Pathian a ginna thasuak lou a, ama ngak zing dingin kisai tiu.

---o0o---

inkuan tamtak, Pathian thupiak zoplou ziaka Pathian apat gamla taka um, tamtak a um ta ahi. Kipanthak hitiu in, Pathian thupiak zom dingin kisai tiu.

2. Abraham in Pathian thu chu, a nu le pa, a insungmite leh a nei le gou zosia sangin a gel poimaw zaw ahi.

Abraham chu a zi sarah a chiing hinalai, cha le neilou uh, kum lama la upa gel ta ahiu. Cha le nau a nei kit diam uh tile hetlou, himaleh Pathian in a kianga athu gen bep chu, a gou nei sunsun chu ahimai ahi. Zia Pathian thu, a nei sunsun chu, a nu le pa, a insungmite leh a nei le gou zosia sangin, gou lulpen in a ngai a, akipandok a, ama doitelna sangin le, Pathian thu chu a tel zaw ta ahi.

Suapi dawitak, nang le kei inle Pathian thu hi Abraham gual a, I gou lulpen gual a I ngai thei ding ahichun, Pathian kipakna kihi ding ahi. Pathian Thu taksa hung chang, Jesu Khrista, Pathian Chapa chu ka gou lulpen ahi, tia pom thei zing dingin, damlai lampi hi I

zot ding ahi.

3. Abraham in Pathian Thu, ama hinna khelpek in a tel ahi.

Abraham chu a zi toh cha a neitheilou hile, puaknat kham set chu ahitai. Maleh, a neulai apat a khosakna, a loi le pai te toh a khosakna, tak-sa a ngaichat zosia, akipakna leh da na, a lungthim khovela a lenna khovel, a seiletna khua chu, Pathian thu ziaka a nutsia ahi. Abraham in Pathian thu a zuina dinga hin, a hinna a bangkim chan ngam in, Pathian thu a tel ahi. Zia "thagau gam" hi "gingtu ginumna" diktak chu ahi. Zia 'Thagau gam ki' hi Jesu'n le thuhilna in Judate lakin ala mang ahi, "**La pau Abraham khan ka hun hi mu ding a la kithalawp mama ah; a hun mu ngei ah, akipak ahi, ati ahi.**" (John 8:56)

Sawlhak Paul inle, Jawlnei in Jerusalem a la chia ahileh, ti'n a thok ding dan te, akhut a kanpiak ding dan te a gen phatin, Kochuam te'n a chia ding a phal ta puau a, lusun in

a sun tau a, himaleh Paul in hitihin a hung dawn hu ahi, 'Jerusalem chia a zepna bep thuak ding hiloin, thi le ka huam ahi ati ahi. Jesu a dinga full surrender akipia tina ahi. Zia te haw chu, 'gingtu ginum' Pathian a dinga gimtuitak hinkhua mang ahiu.

Thutawpna

Abraham hinkhua "gingtu ginumna" apat in, Abraham in Pathian thu a zop nate, I en ua. Abraham in Pathian thu; a nu le pa, a insungmite leh a nei le lam zosia sangin, a

gel pawimo zaw ahi dan te, I en ua. Chun, Abraham in Pathian thu, ama hinna khel pek in a tel zaw ahi. Suapi dawitak, Abraham hunlai a Bible a simding le um nailo, ahin Pathian thu kamkhat kamni a gen te bep a nei ahi, ahin Abraham in a zom ahi. Bible pumpi Pathian thu I nei ta, ahin Abraham gual a zom dingin pan la hi tiu.

---o0o---

thil ten/kidak zong le Aigupta te gual ahita ahi. Aigupta te'n belum chingte hi a ten/kidak uh ahi. Aigupta te'n belum ching mite toh an a nekhawm ngailou uh ahi, kum 40 sung Mosi'n zia haw chu a zil vek ahi. Ahin Midian gama ava tai mang phatin, kum 40 dangma a va khosa ahi, zi le anei den ta, azi pa Zethro belum chingin a pang ta ahi, Aigupta mi hina a ahuat pen belum ching chu, kum 80 atin chan a nisin nasep ahita ahi. Ziahin, mani ut na, doidan, hetdan te, ama ut dan hitalouin, a thi tobang hinkhua a mang ahi. Lopina, choisanna, sana leh dangka te a ngainat taklou bep hilouin, khawvel a amin a hing mai mai in a um ta ahi. Chun kum 80 a hung hita, Pathianin Horeb tanga a belum ching na mun a, a hung hopi ta ahi. Suapite, kum 40 Aigupta thiamna zosia zila hinkhua a poimo gualin, Pathian a dinga kum 40 dangma training belum ching a hinkhua amat kha a poimo dan akibang ahi. Nangle la hinkhua a thawn a mang liam mai a laki ngai ahichun,

Pathian toh mangkhawm pan ta le chun, taksa lama hilo mai-thei maleh thagau lama ledok kitsiksek ding lahi.

3. Pathianin Mosi hi gingtu ginum in a siam piting a, chun a mang pan ahi.

Mosi kum 40 ahilai a khan, a thahat laitak, Aigupta pilna, thiamna, chitna, leh taksa le a phat laitak ahi. Ama leh ama le aki muang a, Israel mipite hukdaw a guat leh, a losam ngal ahi. Zia imu thei uh chu, Pathian nasepna hi Thagau Thiangtho panglou a thil hitheilou ahidan muchian in aum ahi. Mosi hinkhua ahin, mihing pilna, thiamna, khawvel thuak hoi mama le a poimo na chungin, Thagau Thiangtho thilhitheina a poimopen ahidan mutheiin a um ahi.

Mosi hi gingtu ginum hina piting ahinunga hin, ama akisuang tapua, mipi laka choihoina a holpua, sana leh dangka a ngaina pua, maiphata hol ta lou ahi. Gingtu ginum piting tak ahinungin, Pathian bep hi a gou neisun chu ahi-

LESSON-19: MOSI HINKHUA GINGTU GINUMNA- I

Thupatna

Gingtu ginumna lama hin Mosi hi Pathian ngei inle a gen ahi, “*Ka insung mi zosia chung a thuneina piak ahi.*” (Kisimna Lekhabu 12:7) ati hial ahi.

Gingtu ginumna lam Mosi hi a sangpen laka pang ahi.

1. Gingtu ginum Mosi hinkhua kum 40 tiang ahi a gingtu hinkhua.

A neulai a Mosi hi Pahraoh chanu chapa ahia, himaleh ama nu Jacobed in a etkol ahi ti l hiau ahi. A neulaia a nu'n Israelte Pathian chanchin ala hil a, Hebrai mi ahina leh a Pathian hetna le amansua lou ahi. Pathian a mite hukdok dinga a hung ding le a gingcha ahi: kum 40 ahi a, Israelte hukdok dinga akipat leh, Israel mite mama inle hotu hina a pom puau a, “Zani Aigupta mi la tha guala keu le ei tha gua lahi em?” ti'n a dawnhu uh ahi. Ami Israelte'n le a phatsan ua, ziana chung chuan a chun, Pathian inle a phatsan ahi ti

in a pom ahi atiu ahi, mithiam ten. Pathian le thip bekin a um ahi. Suapite, gingtu ginum lahichun phatsanna la tuak khata em? Pathian ngei le aum ahem, aum lou ahem, ti nuam hial in phatsan in gingtu ginum chu a um thei ahi. Pathianin chu, Mosi hi gingtu ginum piting tak ahi ding, a siam piting nuam ahi. Liantak leh lopitaka a thasanga a matnop ziakin tiguat a phatsanna natdan a thosak ahi.

2. Mosi hinkhua kum 40 apat kum 80 gingtu hinkhua.

Mosi a neulai apat kum 40 atin chan a khan, Aigupta te pilna, chitna, thiamna zosia a zil thiam vek ta ahi. Aigupta mi guala seilian ahiziakin, Aigupta mite doidan, chiadan haw ahevek ahi. A doidan, a

LESSON-14: ABRAHAM HINKHUA GINGTU GINUMNA- II

Thupatna

Pathian in gingtu ginum te melma apat, a panpi in a puihuai zingsek. Gingtu ginum Abraham a panpina leh, a kaihuaidan maktak hi en hitiu. Pathian in ama gingtute genthei thoksak hi akipakna ahipua, ahin gingtute a dinga pitingna ahizokna ding ahi.

1. Abraham in a suapipa chapa Lot, a saltanna apat a hukdok ahi.

Abraham toh Lot a kikhennungun, Lot chun Jordan phaicham akitel in, khawvel nopna lam thangai in, a puanbuk chu Sodom khopi tiangin a chawn lut tai. Abraham ahileh Pathianin a tepna gam Kanaan gam in a chengden ahi. Khedorlaomar toh pangkhawm lengte zosian gam a bulu nau in, Sodom khua le a hung lu a, tichun Lot le sal a mat in a um ahi.

Abraham inle a insunga chemzam choithe mi zathum le sawmlegiat (318) te pui in a del ua, tichun Khedorlaomer toh pangkhawm lengte zosia a that zo ua, a suapipa chapa

Lot le damtakin a hung puikit uh ahi. Zia zaw achun, Pathianin Abraham kiangin hitihin a gen ahi, “Abram lau kin, kei hi la phaw ka hi; la kipakman ding chu thupi tak hi'n ah” ati ahi. (Genesis 15:1)

Pathianin gingtu ginum Abraham chu a melmate chung a galzou in a koi a, a chanau pa le a hukdawk sak ahi. Tichun, a thamuan zel ahi. A melmate lakapat phaw dettak ahidan, gingtu ginum adinggin, aki puang lang ahi. Suapi dawitak, gingtu ginum hi ding l tup chiat dinguh ahi, l hinau diktak chu ahi ngal a.

2. Gingtu ginum Abraham in Pathian kianga a lunggil taka a mammo a gena, Pathi-

anin dawnhuna lawtingtak, a ngaituana khel lampek in a pia ahi.

“Abram ma chun, ‘Ngaitia, chi him him lei suansak pua’n; ka insung ah piang ahi phot leh, ka suak hiziang leh le ka golua ding hi mai hen,’ ati tai. Ahin’n LALPA’n a kiangin,’ Ziapa chun la go hun lua pua’n tin, nangma laigil ah piang, la chapa mama chun la golua ding ahi,’ ati’n. Chuleh, in mai lam in a puidok ah, a kiangin, “Van lam khi en inla, aksite khi la simthei le sim in. La suante chu zia zat ah tam khin hung pung in au,’ ati’n. Aman LALPA chu a taksang ah; zia a taksanna zia ah chun ama chu midik ah pom a hung hi tai.” Chun, a kiangin, ‘Zia gam hi lua ding ah kaldaite gam ah Ur khua kipat hun puidokpa LALPA kha keima hi ka hi,’ ati’n.” (Thilsiam thu 15:3-7).

Gingtu ginum Abraham chungu Pathian a phana lomlom e. Gingtu ginum nangle l Lalpa Jesu Khrista tatna thisanzal a, vangam a la ngaituana khelpek a, kumtuang gou Pathian in la chan ding, a koitup-

sa um ahi. Nang sepziak hilou, Jesu Khrista Kalveri Kross a asepsa ziaka, zia a la ginna la ngat ziaka ahi. Chun, Pathianin gingtu ginum suapi dawitak, Khawvel a la mamotele a gel poimaw a, hung loting zel ding ahi. Aman, pha atileh lem asak dungzui zel in, hun panpi ding ahi, lungthim neu taka l umlou ding ahi.

3. Pathianin gingtu ginum Abraham chungu akitepna a namdet in, malsawmna buting in a jangvuk ahi.

Pathianin mihingte hi hatlou leh basam, hilchianzel ngai ahi ti ahe, zia kachun Abraham kianga le akitepna dettak chu, namdetna a bawlpia a, zia ban a chun, a malsawmzel ahi.

“La min Abram hita puantin, la min chu Abraham hizaw ta’n la; nam chuam chuam tampi suanpa hung hi ding lahi zia kin. Nasa takin chi hun suansak ing katin: nangma kipat in nam tampi hun pawtsak ing katin, nangma kipat leng tamtak hung pawt in au. Kei leh nang leh la suante suan

ii) Suangkul a thikkol but a aum akhan, Joseph chu bang gualin a um diam, Joseph in, “tuhin thikkol but maleng le, zia hi a tawpna ahinai puai, zia hi ka mang a vision a kamu kha ahipuai, Lalchutpha ahi ka manga ka mu” ti in kinepna hing nei in aum ding ahi.

Suapite, Joseph gualin gingtu ginum te zosia, nikhat Pathian anga lopina chang chat ding ihi, l Lalpa Jesu Khrista zalin. Zia kinepna hing chu thil in, haksat gentheinate, tasam a umnate tuak maleu hinle, gal apat kinepna hing chu tudet in, hinkhua l mang ding ahi.

Thutawpna

Joseph ‘gingtu’ hinkhua a matna, numei leh pawsal kal a ut na apat in Pathian lau na in a veng zou ahi. Pathian neilou leh kiveng zolou ding ahi. Suapite, Pathian lau in khosa zing hitiu. Joseph chu, mona neilo, a diklouna umlou maleh, dikloutakin suangkul in khumin a um ahi. Suapi dawitak, la dikna ziaka Khrista a dinga bangjat vei haksatna la tuak ta em? Chun, gingtu ginum

Joseph chu, suangkul apatin, Aigupta pumpi thuneina leh vaihawmtu’n dawpsangin a um ahi. Nang leh kei le, nikhat, Lalpa Jesu Khrista anga choihoina kichang ding ahi. Kumtuang kipakna toh, gingtu ginum a tawp chan a ginum in pang hitiu.

---o0o---

Potipher le lungnatakin, Joseph chu suangkulin a khum ta ahi. A khut leh keng a thikkol busakin a um ta ahi. Gingtu ginumna chu a tuchak zing ahi, suangkul tiangin le. Ahin, I Bible in hiti'n a gen ahi, **"Himaleh, LALPA chu Joseph kiangin a umpek ah, a chungin a ngilnei ah; suangkul vengpa hepina a dawnsak ahi."** (Thilsiam thu 39:21) Zia Pathian umpina hi a poimaw pen ahi, gingtu a dingin. Zia hi ahi, nang le kei inle I vengtup pen ding chu ahi. Lal Saul inle Pathian thupiak a mat louziakin, a Lal hina a mansua ahi. David inle Pathian dan a botsia, maleh lunggil taka kisika ngaidam a dawt ziakin, Pathian jangaina a chang ahi. Lal Saul leh Lal David hi munnuam taka khosa ahiu, taksa mamu zosia umna in lopitaka cheng ahiu. Joseph ahileh, suangkul a cheng, thikkol but ahi. Vak buktua leu hin, khovel a lopitak leh nuam taka umna mun sangin, suangkul mun haksatna mun ate, gentheina mun in Pathian umpina hi aki lang chian zaw leh, a nai zaw a bang ahi. Pathian lunglam ahinak leh, nopsakna mun leh haksatna mun inle, phun pua hi-

tin, Jesu toh khoitak mun hilehle, kipaktakin I tel ding ahi.

3. Gingtu ginum Joseph chu, suangkul apatin Aigupta pumpi thuneina piakin aum ahi.

Suangkul inle gingtu hindung gualtaka, diktak leh fel taka a khosa ahi. Pathian thilpiak a nei, mang letheina (translate) chu mangcha in, suangkul a um zosia ngaisang a hung hita ahi. Zia, a thilpiak chun a dawm sang ahidan chu; Pharaoh inle a mamu ta, tichun, Aigupta mangthaina ding laka pat veng zou ding ahiziakin, Pharaoh in thuneina zosia a gamsungin Joseph chu ape ta ahi. Pharaoh dinmun toh kibang in vaihawm in a pang ta ahi. A neulaia a mang a vision amu te, a hung guitung suak ta ahi.

Joseph lungput dingdan I phatchuampi ding un vak suangtua hitiu:

i) Kawkhuk sunga aum lai in, Joseph chu kingaisia maithei, ahin Joseph in, "zia hi a tawp ahinaipuai, ziahi ka manga ka mukha ahipuai. Lalchutpha ahi ka manga ka mu" ati ding ahi.

sawnte tiang inle ka thuthung, nang a ding leh la nung ah la suante a dingin a Pathian uh hiding in kumkhua thuthung dingin hi'det ding kahi. La malzinna Kanaan ah la kumkhua go ding un hun pia'ng ka: tichun, keima hi a Pathian uh hi'ng ka', ati tai.(Thilsiam thu 17:5-8)

Suapite, Pathianin a Chapa Jesu Khrista thisan a ei kouna zala Abraham guala kumkhua gou ei koipiak ahi. Ginum takin Lal na chu sem in, damlai hun chomcha sunga hin, ei tan pa na chu, I sem zel ding uh ahi. Ei koupa chu a muan um in a ginum ahi.

Thutawpna

Pathianin gingtu ginum Abraham kiangin a melmate a khutin a pia, a suapipa chapa

Lot a hukdawka, chun Abraham pauchapna a mamu ngoi ngoi chapa a dawt le, dawn huna lotingtak, Abraham ngaituana khelpek a chapa bep hilo, van a aksi jat a tama a suan le pak te hung tam dingin a dawn hu ahi. Zia ban a chun, zia akitepna chu a vel in a namdet ahi. Pathianin Abraham avel in a hilchian kit a, malzawlina mihing lunggil in a tup phak lou le gelphak lou khop in, buting takin a malsawm ahi.

Suapite, ei le a tawp chan a Lal Jesu a dinga ginum taka pang leh in, I ngaituana'n I gel phak lou, mihing lunggil in a batphaklou, a gou lul leh kipakum, malzawlina chu dawng ngei ding ihi. Pathian a ginum ahi.

---o0o---

LESSON-15: ABRAHAM HINKHUA GINGTU GINUMNA- III

Thupatna

Pathian in ama gingtute ginumtaka ama adinga hinkhua a mat uh ahichun, a kiangua thuguk kipakum a gen sek ahi. Abraham hinkhua ale ginumtaka Pathian toh akiton ziakin, Pathianin kitepna thuguk kipakum a gen/hiatsak ahi.

1. Gingtu ginum Abraham kianga chapa piak ding kitepna thuguk piakin aum.

“A lak ua pakhat chun a kiang in, ‘kumkit tu’hun hileh hung vetha kit tei ding kahiu; chuleh, ngai in, la ji Sarah in ziaphat chuleh chapa nei ta’n a,’ a ti’n.” (Thilsiam thu 18:10)

Abraham ginum taka Pathian a dinga aum a, Pathian a chung akipak mama ahi. Pathian inle Abraham ngaic-hat mama bawlpia a nuam a, chapa a piak ding thu ava gen ahi. A kum lama Abraham in a chapa Isak anei ahin kum zakhat ahitan. A zi Sarah ahileh kum sawmkua ahitai. Mihing dan a hithei talou maleh, Pathian in ama adinga gingtu ginum ahiziakin, Abraham leh Sarah chu, a mamu pen uh chapa a pia ahi.

Suapi dawitak, Pathian

chu a kitheng pua, ama adinga gingtu ginum te chu, tuhin le a mamu uh LALPA’n a pesek ahi.

2. Gingtu ginum Abraham kiangan Pathianin a thuguk a gen ahi.

“LALPA chun, ‘Ka thil-bawl guat hi Abraham kiang ah hin ka im dia aw?’” (Thilsiam thu 18:17)

Pathian mihing a kilakin, Abraham kiangan ava tunga, a ve ni apat akumkit a chapa apiak ding thu a gen ahi. Chun a chia ding kuan un, zia bible chang ahin Abraham a houpi ahi. Pathianin a thil-bawl guat te Abraham a hil nuam ahi. Mihing in a loi pha mama, a thuguk zosia a hilsek gualin, Pathian in Abraham, a loipa kiangan a thuguk ahil ahi.

Zia a thuguk a bawl-

LESSON-18: JOSEPH HINKHUA GINGTU GINUMNA- II

Thupatna

Gingtu ginum Joseph chu a pa thu amat ziakin; kokhuk a khiaklutin a uma, a pa thu amat ziakin, dangka sawmni in Midian te khut a zawkmangin aum ahi, tichu I hetau ahi. Tichun Aigupta lama puimangin aum ahi. Aigupta lama gingtu hinkhua a matdan en hitiu.

1. Joseph in, numei leh pawsal kal a ki utchak tuana chu, a Pathian launa in a nang zou ahi.

Joseph chu Aigupta gama suaka zok mangin um maleh, a ginumna zia leh Pathianin a umpi ziakin, a pu Potipher in a insunga bangkimin a taksanga, a insung enkoltu in a mang ta ahi. Joseph chu pi-anphatak leh melphatak ahiziakin, a pu Potipher zi’n, numei leh pawsal kal a kipawlpin dingin a enla ta mai ahi. Potipher chu Pharaoh a dinga a captain ahia, a zi chule hoiten ding ahi. Khatvei bep le hilo, avel avel in, ani ani in a jawl ajawl ta mai ahi. “Ei luppi in” ti’n a jawl ta mai ahi. Pawsal dang pangai te hileh, kisumzou talou dinga gingchak ahi, ahin Joseph

chu ‘gingtu ginum’ ahi ziakin, hitin a dawnhu ahi, *“bangziakin em zia tobang a gitlona huaisia chu ka bawl a, Pathian chung a thil kahi khial mai ding?”* (Thilsiam thu 39:9) Joseph in Pathian chung a thil hikhial in akigel ahi, zia hi ahi gingtu ginum in Pathian a lau pen ding ahi. Pathian launa in kiveng taka a um ahi. Ei te chu, mi’n ei mulou nak leh kitimai ahisek ahi. Gingtu ginum Joseph gualin Pathian ja in I um ding ahi. Pathian lau na in sual I nang ding ahi.

2. Gingtu ginum Joseph chu, dikloutakin suangkula khumin a um ahi.

Potipher khualzin a chia chu, in a hung tung ta’n, a zi’n dikloutakin Joseph chu a ngo a, ei sual gua ahi ti’n a gen ta ahi.

“Chuleh, Midian sumdawng mite chun a hun phak phat un, Joseph khuksung ah um chu a suapite chun a kaidok ua, Ishmaelte kiang ah chun dangka shekel sawmni in a zuakdok tau a, Joseph chu Aigupta gam lam in a pui tung tau hi.” (Thilsiam thu 37:28)

Joseph hin a sukkhial bangma umlou ahi. A u te mukal ngakla in, a ngai mama jiang ahi. Ahinla, a u te'n tha dingin a en uh ahi. Kokhuk sun ga a koi lai un, thading ahem, thalou ding ahem ti a ngaituau ahi. Zia laitak a chun; Pathianin Joseph hukdawna ding leh, a mang lama vision a musak te a guitunsakna dingin, Midian sumdawng mite zialam a chun chia dingin ala guat ahi. Tichun, Aigupta lamin Joseph chu a pui tau ahi. Gingtu ginum chu Pathian toh kithua ahia,

haksatna, beidawna te'n chupsek maleh, bangkim hithei Pathian toh um a bit pen ahi. A pa thu amat ziakin, Joseph chu zawk mangin a um ahi, maleh Pathian lemguatna hoizaw a masanglam in a um zel ahi.

Thutawpna

Gingtu ginum Joseph hinkhua; a pa thu amat ziak lam sau tak a chia nate, a thumat ziaka kokhuk a khiaklut a aum na te leh, a thumat na zia-ka gamdang a zawk mang ah aum n ate l en tau ahi. l ngaitua ahichun, a tawp chan mulou te adingin, thumatna hi a hoi in akilang puai. Maleh, a tawp chan a mu te a dingin, thumatna hi gingtu ginum hina khat ala hi ahi. Thumatna hi Pathian lungawina ahin, a thumangte a dingin malsawmna ahi.

---o0o---

Gomora gitlona huaisia mama, akianga lawtsiatna hung tung te, va entha dinga chiagua ahidan a gen ahi. Abraham inle ahe ngal a, a suapipa chapa Lot le cheng ahiziak le hintin. Pathian kiangin, Sodom le Gomora khua a dinga a dawtpiak ahi. Abraham dawtna ziakin, Pathian a khongai a, mi sawmnga midik a umleh got lou ding ahidan agen ahi. Abraham inle a vel avel a adawt ziakin, mi sawmnga apatin mi sawmli le nga, zia ban a mi sawmli, chun sawmthum, a ban a sawmni, a tawp a chun mi sawmkhat chan in Pathianin Abraham dawt gualin' a phasak ahi. Pathian in gingtu ginum te pauchapna a gelpoimaw dan le hetthei ahi. Khenkhatin Abraham in dawn nalai le chu, Pathian in kiamthasuk intin, Sodom le gawtlou thei nalai ahi atiu. Pathianin pauchapna a gel poimaw dan le hetthei ahi.

3. Pathianin Sodom leh Gomora a got lai in le, gingtu ginum Abraham a geldok zing ahi.

“Chun, Pathian in phaicham khawpite a hi'mangthai lai

ah khan, Pathian in Abraham chu a hezing in” (Thilsiam thu 19:29) Pathianin Abraham a thuguk, a thilbawl ding a gen a. Sodom leh Gomora chung a vaihawmna le a pansak ahi. Ziagual ma hin gingtute le ni khat chu, Jesu toh vaihawm khawm ding akihi ahi. Bang gual bepin a lopi ta diam?

Pathianin Sodom leh Gomora chung a mei leh kata a vaihawm khum lai in le, ama adinga ginum Abraham a geldawk zing ahi. Chun, Abraham phatna ding a ngaitua zing ahi. Suapite, gingtu ginum te chungin le Pathianin bangkima l phatna ding, ei a dinga phapen, ei ngaitua piak sek ahi. A chang leh gingtu te chacha hi, a hethiam lou in l pangsek a. Kei vang ka vangse na lom lom e, Pathianin le ei hepha ta puai, ti lungput bang bailam mama ahi. Abraham kum sawmkua leh kua, a ji Sarah kum sawmkua, amau nupa'n le ase lam in ngaituana nei ding hileu, eu sanga kingaise zo ding ahiu. Pathian subsiatna chang kahiu bang tithei ahi. A ziakchu a ching ahiziak uh ahi. Maleh Abraham phatna ding Pathi-

anin a ngaitua zing ahi, ti chu Bible in I mu thei ahi.

Thutawpna

Pathianin gingtu ginum Abraham kiangin chapa piak ding a tiam ahi. Chun Pathianin Abraham kiangin a thilbawlding, a thuguk ahil ahi. Zia ban a chun, Pathianin Sodom leh Gomora chung a vaihawmna a tungsak zing lai inle, Abraham a geldok zinga, a phatna ding a ngaitua zing ahi. Ziagual ma chun, tuhin le gingtu ginum te chung a, Pathianin thilpha piakding a tiam ahi. A chapa Jesu

Khrista thisan a tatna zal a, kumtuang hinna chu chang teitei ding akihi mai ahi. Khawvel ale Pathianin, I mamote eipiak ding le agel poimaw ahi. Tuhin le Pathianin a thuguk, gingtu ginum te kiangin a gensek ahi. Zia hetna chu 1 Korinth 12 na a, Thagau Thiangtho thilpiak pa kua lakin a pang ahi. Gingtu ginumlo te'n zia chu a neithe puau ahi. Chun, Pathianin gingtu ginum te a dinga bangkima, a phatna ding uh a ngaitua piak zing sek ahi.

---o0o---

sawlina chu Shechem chan ahi. A u te umlou chu, tihenla, inlam a chiakit leh le, a pa'n gailou ding ahi. A ziakchu, a pasawlina chan chu Shechem chan ahia, a tung ta ahi. Ahin sap te'n extra miles atiu a, akiphutna chan tung ta maleh, a u te mu tei a gua, Shechem apat Dothan lam tiang a chiakit a, a u te ava mu ahi, zia chu **kilometer 243** vel ahi Josep kengalam a zot na. A u te'n gal a alamu ua pat chu, thadingin ala en ngal uh ahi. Zia mang neipa khi atiu a, kokhuk (well) tui umlona in a koi uh ahi. Maleh, Pathianin Joseph chu a umpi zing ahi, akiti ahi bible in. Pathianin thumatna hi a gel poimaw ahi. Gingtu ginum in Pathianin thu a zawm ding ahi.

2. Joseph gingtu ginum ahiziak leh nu le pa doisak bik a chan zia kin, kokhuk a koiin a um ahi.

Pathianin a manglama vision a musak te diktaka agen ahileh, a u te'n a thangsiau a, a vau thip uh ahi. Chun a pa'n le Joseph chu a doisak chuam a

puanak chual le, a chuam mong mong a khuipiak sek ahi. Ziakachun, a u te'n a muda zaw diak uh ahi. Pathianin dawisakna dawng ahiziak leh, a sunga Pathianin Thagau cheng ahiziak in, a u te zosian a thangsiau a, a eng uh ahi. Ziakachun, hun lemchang amu hun un, tha a go mai uh ahi, kokhuk in a khelut uh ahi. Ziana ahin, nu le pa te'n le chate etkolna lama, duat chuam ti chu umsaklou aphai, kibangtaka lungsiatna te, lungthim phalou te a umlouna ding ahi. Ahin, nu le pa'n chate, ami phazolou deu, a dam theilo deu te, a duat chuam bik uh chu thuchuam ahi. Pathianin doisakna ahileh vang chu, ama Pathianin ahia, a ut chu a domsanga, a ut chu a koi niam thei a, kuama'n bangma agen theilo ahi. Ahin mihing in vang chu doisak bik chate laka le um sek mong hinapi in, kibang taka lungsiatna latsak zing thei le hin phading ahi.

3. Joseph thumatna zia kin gamdanga zawk mangin a um ahi.

LESSON-17: JOSEPH HINKHUA GINGTU GINUMNA- I

Thupatna

Joseph chanchin hi l hetsuak sau ahita, maleh gingtu ginum ahina apat ama a thil umte, eima hinkhua chiat a poimaw l sak nalai te, l en khawm ding uh ahi. A diaka khanglaite a dinga etton tak tingpen te lakin a pang ahi.

1. Joseph in a pa thu nial lou leh phunlou in a mang ahi.

Joseph hun lai in Ephe-
sa 6:1-3 **“Naupangte haw Lal-
pa a chun la nu le pa teu thu
zawm un...”** ti hi a um nailou
ahi. Zia khanglaite a dinga ki-
ziak hi Joseph in a hephalou
ahi, himaleh, Pathian Thagau
Thiangtho a sunga aum ziakin,
a pa thu a zawm ahi. Tulai
khanglaite, aki zia um nunga,
nu le pa te thuzawm lou te chu,
thiamlou chang ding ahiu.

Jacob in a chapa Jo-
seph chu; a u te belam chingna
Shechem khua lama, a phanau
em ti vakantha dinga a sawl
ahi. A in uh toh, a u te belam
chingnau Shechem khua chu a
gamlatda **kilometer 140** vela
hi, Lamka apat Imphal sanga
gamla zo ahi. Zialai a lampi

LESSON-16: ABRAHAM HINKHUA GINGTU GINUMNA- IV

Thupatna

Abraham ginna pa saka aumna ziaak chu ‘gingtu ginum’
ahiziak ahi. Gingtu ginum hina hi, Jesu Khrista nungjui ginum, tile
hin le a dik ahi. Gingtu ginum hina ahin, Abraham in a man tamtak
a pia ahi. Ahin Pathian chu thilpiak a thuk zaw ding gual ahilo ahi.
Abraham ngaituana khel leh, a duthusam zosia khel lampekin a
malsawm ahi.

1. Gingtu ginum Abraham a chapa a patepna.

Gingtu ginum zosia’n
patepna aki tuak chiat ahi, ahin
Abraham chapa a patepna hi
vang a sang tawp ahi. **“Zia
nung ah chun, Pathian in Abra-
ham chu a patep ta’n, a kiang in,
‘Abraham’ a ti’n. Ama’n le, ‘Zia
hin ka um hi,’ ti’n a dawnhu a.
A kiang in, ‘La chapa, la chapa
neisun Isak, la hepi ngawi ngawi
kha pui inla, Moriah gam ah chia
inla, zia taka tang pakhat ka hun
hilna ding mun ah chun halmang
thillat in hun pia’n,’ a ti’n.”** (Thil-
siam thu 22:1-2)

Patepna akiti phat leh,
a lungthim bang gual ahem ti
het nopna ziaka bawl ahisek
ahi. Pathianin chu Abraham

bep hilo, mihing zosia lungth-
im a hetsuaksa ahia, bangatia
apatep ahem? ti dawtna um
thei tak ahi. Pathianin Abraham
ngei leh, mizosia tununga zia
chanchin heding zosia a dinga
atile hiding ahi. Bailam taka
vak hetthei dinga chun; Path-
ianin ama gingtu Abraham in
bangkim sanga, Ama Pathian
a hepi zok ding ahi tih, Path-
ian in a tup pen ahi. Ziagual
a chun, a patepna chu a zou
a, ‘ginna pa’ sakin le aum ahi.
Khaile, gingtu ginum chu Path-
ianin aphotna dingin apatep
sek ahi.

2. Gingtu ginum Abraham in thu-awi (obedience) takin patepna chu a zou ahi.

Abraham in a chapa neisun Isak, a it mama chu Moriah tang a, Pathianin halmang thillat a la'n dinga a phut ta ahi. Zingkal matakin Abraham chu a tho ah, a sabiltung chuanna ding chu a tutup ta ahi. A chapa Isak toh, a suakte pawsal pani toh, halmang thillatna ding thing a ek a, akipandawk ngal ahi. Chun, nithumlam a chia nung ua chun, a tang chu agal mu ta ahi. Halmang thillatna ding mun a zawt lai ua chun, a chapa Isak in, 'he pa' ati'n. Aman le 'ka chapa' zia hin ka um hi, 'ti'n a dawnhu ah. Ziaphatchun, a chapa chun, 'Ngaitia, mei leh thing bep a um in; halmang thillat ding belamno khoi ah um maw?' ti'n a hun dong a. Abraham chun, 'ka chapa, Pathianin Ama a ding ah halmang thillat ding chu hun ngaitua kawm na'n a,' a tia. Chun, Pathian in atina mun chu a va tung tau ahi. Abraham in le maicham chu a siam a; thing chule a siakhawma, a chapa Isak chule a kantom ah, a lutsak a, thana dingin chemcha chu a la'n, a khut a hun lam a.

Himaleh, LALPA Vansawlchak in van a pat in Abraham a hun ko a, a chapa chu that lou dingin a hun hil kit ta ahi. LALPA Vansawlchak ma in hitihin a gen ahi, "La chapa neisun lei piak ding la itchak lo ziakin, Pathian la lau hi ti tu'hin ka hechian tai," a hun ti ahi. Gingtu ginum Abraham in thu-awi takin patepna chu a zou ta ahi. Suapite, Pathianin gingtu ginum in patepna I tuakte Abraham gual a zou zel dingin adoi ahi. Pathianin I tuak zolou ding thil ei tuaksak ngailou ahi.

3. Pathianin gingtu ginum Abraham patepna a zo tak ziakin a malzawl ahi.

Pathianin gingtute zosia; patepna a tuak saka, ziazaw chuleh kaisangna a pia, chun a malzawlsek ahi. Abraham le zia gual chun a bawl ahi. **"Chuleh, a niveina dingin LALPA Vansawlchak in van ah kipat in Abraham a hun ko a, 'Zia thil hi lahitak ziak leh, la chapa neisunle itcha lo ah lei piak tak ziakin, keima ka kitiam hi, LALPA'n a ti'n: Hun malzawl**

ngei ngei ing ka tin, van ah aksi jat leh tuisuagiat pam ah piaunel jat in la suante hi'pung ing katin, la suante chun a melmateu kul kotkhak hun lak piak in au; ka thu la zop ziak ah hin la suante ah kipat in khawvel chitin malzawl na piak hi'n au,' ati'n" (Thilsiam thu 22:15-18) Pathianin patepna gingtute a tuaksak chiat a, a zo phat ule a malsawm sek ahi. Setan in vang a theppuk a guatsek ahi gingtute. Pathianin vang I piting na ding, malsawmna I dawng na dinga ei ngaitua piak sek ahi. Abraham le avel avela a malsawm ban a, ama apat khawvel chitinte malzawl a hung um ding ahidan a gen ahi.

Thutawpna

Gingtu ginum Abraham

---o0o---